


漢書

百册四百册五 百册六
百册七 百册八 百册九




			九	漢
		一〇	〇	書
		一	七	門
四	一	〇	三	
一	〇	三	號	類
册	架	函		


內閣文庫			
九	九	漢	
函	〇	書	
一	四	七	
五	一	三	
架	册	號	類


地理	
冊數	40 (37)
函號	292 86

內閣文庫	
番號	漢 9073
冊數	40 (37)
函號	292 86

三十九







閩書卷之一百三十四

裔派志 本官系黃西徐編

淺草文庫

一 福州府

閩縣 父宣世系家聯之感測事以

五代

林鼎

林鼎父無隱以詩名寓居明州慈谿之大隱村鼎從

焉鼎善屬文能書仕吳越為丞相有集數十卷

宋

連舜賓

連舜賓字輔之祖光裕見縉紳至舜賓居楚德安少

閩書 卷之一百三十四 裔派 一 二百三十四

習毛詩悉散家貲周卹鄉閭教二子庶庠曰此吾貲也嘗有盜牛者官捕之急其人以牛歸舜賓厚遺遣之往雲夢省其弟得疾卒邑人爭迎哭為之罷市歐陽修表其墓子庶庠並舉進士庶仕職方員外郎庠都官郎中

皇朝

林興祖

林興祖洪武初從父宦遊遂家潮之海陽事母以孝聞以才行舉官終廣西叅議

福州府 候官縣

宋

王回 弟向 同

陳塏

王回字深甫父平仕御史見縉紳平死塏穎州郎家焉回敦友孝行質直平恕造次稽古舉嘉祐二年進士為衛真簿有不合稱病自免父之在廷多薦者治平中以為忠武軍節度推官知南頓縣命下卒王安石誌其墓曰吾友深甫書足以致其言言足以遂其志志欲以聖人之道為己任蓋非至於命弗止也故不以小廉曲謹以投眾人耳目而取舍進退去就必度於仁義世皆稱其學問文章治行然真知其入不

多而多見謂迂濶不足趣時合變嗟乎是乃所以爲
深甫也今深甫而有以合乎彼則必無以同乎此矣
曾鞏序其文曰回當六藝殘缺道術衰微之後奮然
獨起因先王遺文以求其意得之於心行之於已作
爲文辭反覆辨達有所開闡其卒蓋將歸於簡也其
破去百家傳註推散缺不全之經以明聖人之道於
千載之後振斯文於將墜回學者於既溺可謂道德
之要言非世之別集而已第向罔向字子直與回同
舉進士仕縣主簿爲文故有英氣而能力自蟠屈以
就法度自其少時則已著數萬言馳騁上下偉麗可
喜晚自爲不足而悔其少作更欲窮探力助極聖人
之旨要大行則欲發而見之事業窮居則欲推而託
之文章將與詩書之作者並而未知其孰後先也罔
字容季孝弟純篤自少能爲文章長於叙事所爲文
出輒驚人其爲人自重不馳騁銜鬻亦不孑孑取名
曰與其兄講唐虞孔子之道以求其內言行出處擇
義而動其磨礱灌養而不止者方未量其所至而皆
不幸蚤卒向罔與兄回之文皆宗歐陽修正氣大家
欲與曾蘇上下曾鞏序向之文誌罔之墓深推服之
而悲其蚤世

陳壇字子奭襄曾孫也占籍嘉興端平二年登第累
 官右文殿修撰知平江府兼淮浙發運使以戶部右
 侍郎趙必愿舉最詔特轉一官遷大府卿官終端明
 殿學士謚清毅屢歷節麾軍士愛戴而猶樂薦士其
 為司農時嘗上疏請進恬退斥容悅以勵士大夫庶
 耻養難進易退之風

皇朝

許穀

許穀字仲貽籍上元縣嘉靖十四年會試第一仕太
 常少卿穀仕不耦時林居讀書賦詩有唐人之致

福州府 連江縣

宋

李彌遜

弟彌大

彌正

孫文饒

曾孫紹

李彌遜字似之其先世唐宗室八世祖末嘉澄始遷
 連江曾祖餘慶知常州卒於官因居蘇州彌遜大觀
 三年進士靖康中直寶文閣知吉州遷起居郎彌遜
 自政和末以言獲譴二十餘年再居是官直前論事
 如故遷中書舍人條上六事尋試戶部侍郎會秦檜
 再相力乞外不允未幾趙鼎罷檜專國決意主和議
 胡銓范如圭曾開諸人相繼竄斥彌遜請對言其不

可高宗以爲然詔廷臣大議即日入奏彌遜力陳不可者三檜邀彌遜至私第曰政府方虛員苟和好無異議當以兩地相浼答曰彌遜受國恩深厚何敢見利忘義顧今日之事國人皆不謂然獨有一去可報相公檜默然次日再上疏言愈切直又言送伴使揣摩迎合不恤社稷乞別選忠信之人協濟國事檜大怒彌遜引疾高宗諭大臣留之九年春再上疏乞歸以徽猷閣直學士知瑞州改知漳州復學宮舊址以興科第諸生相與崇學祠生祀之十年歸隱連江西山十二年檜乘金兵旣敗收諸路兵復通和好遣仇向者盡言之臣嗾言者論彌遜與趙鼎王庶曾開四人同沮和議於是彌遜落職二十三年卒朝廷思其忠節詔復敷文閣待制第彌太工部尚書彌正吏部郎中孫文饒司理參軍曾孫韶韶字元善與兄寧同登嘉定中進士初教授南雄調慶元遷太學博士上封事諫濟王竑獄且以書曉史彌遠言甚懇文較大學生竊式迂學官旬外添差通判泉州郡守游九功素清嚴獨異願韶改知道州紹定四年行都災韶應詔言事提舉福建市舶會星變又應詔言事入爲國子監丞改知泉州兼市舶端平中爲殿中侍御史論

棟魏了翁乞召還處以台輔又劾奏宦者陳洵益女
剋吳知古理宗怒韶還笏殿陛乞歸會祀明堂雷電
免二相韶權工部侍郎正言遷起居舍人復疏洵益
知古不報辭新命不許應詔上封事幾數千言理宗
曰李韶真有愛朕憂國之心凡三辭不獲以生死祈
哀理宗感頌曰曲爲朕留退復累疏乞補外以集英
殿修撰知漳州號稱庶平朝廷分遣部使者諸路稱
提官楮韶疏極言其敝嘉熙二年召明年上疏乞寢
召命四年詔趣赴闕辭遷戶部侍郎再辭不許五年
改禮部侍郎辭不允今所在州軍護遣至闕兼侍講
累辭兼國史編修實錄簡討辭遷吏部侍郎兼中書
舍人三辭不許淳祐二年又及濟王國本宮媼三上
疏乞辭以寶章閣直學士知泉州辭乞畀祠不許既
歸三辭仍舊職提舉鴻慶宮淳祐五年被召再辭詔
本州通判勸勉赴闕遷禮部侍郎三辭遷權禮部尚
書復三辭不許入見又及濟王國本宮媼三事乞還
不許兼侍讀三辭不許又三疏乞歸擢翰林學士兼
知制誥兼侍讀不拜詔不許又三辭不許終奉祠萬
壽兼侍讀韶忠實簡粹所至庶直著聲理宗有意大
用之自以不合當塗屢辭召命其卒也謚曰忠清

福州府 福清縣

宋

林憲 王蘋 林夢英 弟文仲

林憲父旦見縉紳旦父槩早卒官憲從母居吳門遂為吳人少穎悟絕人伯父希獲古鏡間有龍朔二字憲從傍曰非唐太帝時物乎希異而稱其文名當繼祖遂以德祖字之孔常父掌揚州學憲年十七試冠諸生會神宗初罷尊號坐客或論尊號所起憲避席對曰宇文周宣帝生號天元唐高宗自稱天足自是美稱寢多矣元豐中試太學第一後屢試高等為連

黜於禮部旦當任子憲遜其弟膚旦不許憲即取膚名止之會詔必以序乃詒書諫官曰憲當以廢疾自棄矣膚乃得入仕登紹定進士教授常州大觀三年廷試常士選者五十三人徽宗賜詔特轉一官州立進賢坊榮賜亭侈之在職六年用法官薦不詣政事堂遷揚州教授擢河北西路提舉學事除開封府左司錄以府尹不之禮請老夜自書牘旦報可家人乃知即日出國門士大夫奔餞不及為人強敏有志操錯綜貫串文敏暢而有抵宿有易說書義禮記老子解神宗聖訓十卷大雲翁集一百卷

王蘋字信伯唐水部粲之後程門高弟也自其父徙居平江資稟粹清充養純固平居恂恂儒生及語當世之務民俗利病乃若習吏紹興間以守臣孫祐薦召對賜進士出身除秘書正字言於高宗曰人心無垠萬善皆備盛德大業皆繇此出陛下欲傳堯舜禹湯文武之道擴充是心而已高宗善之官至左朝奉郎中書舍人朱震保文直學士胡安國徽猷待制尹焯皆嘗舉蘋自代因為秦檜所惡會其族子誼為文詆檜遂坐法文致奪官卒所著有論語籍解著藁林夢英字叔虎一字子應林公選之孫也自福清徙

臨川夢英與象山年相若篤信其學遂師之登淳熙二年第調祁陽簿再調衡州法曹所至整飭精明為部使者及郡守所知一日改官五剡俱集改知武陵縣寬民戢姦興學作人通判靖州討平洞蠻知武岡軍未上退居城西金石臺建樓藏書徜徉其間累秘書丞權司封奉祠歸年踰八十人稱山房先生弟支仲與文英同第進士歷官成都漕政事和平蜀人愛之

泉州府 晉江縣

宋

王曾 徐定 子瑄 機

王曾字孝先審邽五世孫也父克太平興國間任益都尉因家焉曾真宗咸平中鄉貢試禮部廷對皆第一累遷右正言知制誥兼史館修撰時瑞應沓至真宗嘗以語曾曾奏曰此誠國家承平所致然願推而弗居異日或有災沴則免輿議及真宗受符命大建玉清昭應宮臣下莫敢言曾陳五害以諫累遷叅知政事吏部侍郎兼太子賓客仁宗立遷禮部尚書正色獨立朝廷係以為重累以門下侍郎兼戶部尚書為昭文館大學士監修國史景祐二年拜右僕射兼門下侍郎平章集賢殿大學士封沂國公久之以左僕射資政大學士判鄆州卒贈侍中謚文正曾資質端厚眉目如畫在朝廷進止皆有常處每進見言事審而中多所薦拔人莫知者自奉甚儉有故人子孫來京告別曾留之具饌食後合中送數軸簡紙啓視之皆他人書簡後裁取者也皇祐中仁宗為篆其碑曰旌賢之碑大臣賜碑篆自曾始仁宗既祔廟擇將相配享以曾為第一

徐定字德操釋褐調處州教授娶永嘉鮑氏因家焉通判宣州妖民胡木匠誘聚數千人縛一巡簡貫其

耳以徇人心胥恐漕司俾定攝州事定馳入境今自首亡罪衆咸從令境遂安擢守湖州卒子瑄瑛瑄字純中爲大理少卿會濟邸獄與不受史彌遠囑謫象州璣字致中工詩世稱四靈璣其一也終長泰令皇朝

丘濬 梁儲

丘濬字仲深瓊山人丘葵之後弘治中仕至戶部尚書兼武英殿大學士卒謚文莊濬博學多文所撰著有世史正綱大學衍義補其著正綱謂朱子綱目以正統爲主然秦隋之未有不可遽奪漢唐之初有不可遽予者乃作正綱以著世變之升降明正統之偏全其補大學衍義謂真氏衍義之作有資治道而獨缺治平乃采經傳子史附以已見首補誠意正心之要曰審幾微以發明慎獨之旨爲卷百有六十弘治初上之朝孝宗喜甚賜金幣其相業具載於廣志

梁儲字叔厚順德人宋梁文靖之裔也正德中仕至吏部尚書加特進光祿大夫左柱國嘉靖初乞歸世宗手詔褒諭曰張九齡忠盡崔與之風槩卿可謂兼之卒謚文康其相業具載於廣志

建寧府

建陽縣

宋

楊澈

楊澈字晏如楊徽之宗人也世家建陽父思進晉天福中北渡海因家青州累佐使幕澈幼聰警七歲通左氏春秋思進為鎮趙從事會昭慶令缺使府命澈假其任河決鄰郡府督役甚急澈部徒數千徑大澤中使多刈澤中葦為筏順流而下既至執事者責其後期俄葦筏大來乃更嗟賞時年方十六建隆初舉進士調補河內主簿再遷青州司戶叅軍鞫獄無阿

長太祖知其名召試禁中改著作佐郎出知渠州江南平改通判虔州今就大將曹彬分兵以行既入境偽帥郭再興擁兵自固不肯受代澈單騎趨壘論以威信再興唯唯乃悉料城中壯勇送哀師復葺除土豪黎羅二姓之依山謀亂者累祠部郎中子巒淳化進士職方員外郎

建寧府

崇安縣

宋

吳玠

弟璘

璘子挺

吳玠字晉卿少知兵善騎射未冠出隸涇陽軍遂為

德順軍人政和中夏人犯邊以功補進義副尉稍擢
隊將從破臘及擊河北群盜累功擢涇原第十將靖
康初夏人攻懷德軍玠以百餘騎追擊斬首百四十
級擢第二副將建炎紹興中以擊敗兀朮太子功金
人來請和以玠功高授特進開府儀同三司遷四川
宣撫使陝西階成等州皆聽節制遣內侍奉親札以
賜未幾卒年四十七贈少師謚武安淳熙中追封涪
王玠善讀史凡往事可師者錄寘座右積久墻牖皆
格言也用兵本孫吳務遠畧不求小近利御下嚴而
有恩虛心詢受雖卒伍至下者得以情達選用將佐
視勞能爲高下先後不以親故權貴撓之玠死胡世
將問玠所以制勝者於璘璘曰璘從先兄有事西夏
每戰不過一進卻之頃勝負輒分至金人則更進迭
退忍耐堅久令酷而下必死每戰非累日不決勝不
遽追敗不至亂蓋自昔用兵所未嘗見先兄與之角
逐滋久乃得其情於是選據形便出銳卒更迭撓之
與爲無窮至決機於兩陣之間則璘有不能言者第
璘子五人拱扶撓擴摠拱亦握兵柄

璘字唐卿少好騎射從兄玠攻戰積功至閣門宣贊
舍人玠與金人戰箭苦關戰和尚原戰仙人關皆璘

出死力其間累除秦鳳路經畧安撫使知秦州玠卒授璘神龍衛四廂都指揮使同節制陝西諸路軍馬鎮西軍節度使升侍衛步軍都虞侯孝宗初兼陝西河東路宣撫招討使隆興二年宋人主和議與金人罷戰乾道元年詣闕遣中使勞問召對便殿許朝德壽宮兩宮存勞之使相踵又命皇子入謁拜太傅封新安郡王越數日詔仍領宣撫使改判興元府及還鎮兩宮宴餞甚寵璘入辭德壽宮泣下高宗亦為悵然解所佩刀賜之三年卒年六十六贈太師追封信王璘剛勇喜大節畧苛細讀書曉大義代兄為將守蜀餘二十年隱然為方面之重病篤時呼幕客為草遺書曰願陛下毋棄四川毋輕出兵不及家事璘拒金用疊陣法每戰以長鎗居前坐不得起次最強弓次強弩跪膝以俟次神臂弓約賊相搏至百步內則神臂先發七十步強弓併發次陣如之凡陣以拒馬為限鐵鈎相連俟其傷則更代之遇更代則以鼓為節騎兩翼以蔽於前陣成而騎退謂之疊陣諸將始猶竊議璘曰此古東住今也軍法有之諸君不識爾戰士心定則能持滿敵雖銳不能當也遂用以勝金人

張汝
三百九

挺字仲烈以門功補官紹興中拜熙河經畧安撫使
 瓦亭之戰金人精兵數萬獨身冒矢石追奪其將授
 鄆州防禦使孝宗朝拜武昌軍承宣使尋加龍神衛
 四廂都指揮使熙河路經畧安撫使中軍統制時年
 二十五而其後宋人主議和罷軍矣淳熙中累知興
 州利州西路安撫使特加簡較少保光宗即位御筆
 獎勞紹熙四年以疾乞致仕詔加太尉卒年五十六
 贈少師開府儀同三司挺少起勳閤弗居其貴禮賢
 下士雖遇小官賤吏不敢怠忽拊循將士人人有恩
 隣故部曲拜於庭下輒降答之即失律誅治無少貸

孝光二宗以挺世將子有才畧皆厚遇之

按宋史載

人而崇安志謂玠璘生五夫里祀
 在鄉賢必其父祖徙居于隴干

建寧府

浦城縣

元

楊載

楊載字仲弘其先本縣人徙居杭州少孤博極群書
 年四十薦為國史院編修官延祐中舉進士歷寧國
 路推官其文以氣為主每大衆廣席占紙命辭瞭睨
 橫放盡意而止而詩尤有法與虞集范梈揭傒斯齊
 名時號虞楊范揭

皇朝 汀州府 長汀縣 卷之百三十四 三頁

皇朝 曾蘭 汀州府長汀縣人

曾蘭博學藝文為時所稱宣德四年中廣東解元授

瓊州文昌訓導善訓迪教有成績

寧化縣

皇朝

伍伯遜兄弟

伍伯遜徙居南昌與弟伯暘伯達並力學務信義同

居數百口雍睦無間胡祭酒儼數嘉歎之子恒受業

吳聘君之門景泰中應賢良聘以親老辭不赴

興化府 莆田縣

宋 余靖 方惟深 陳居仁父子 黃士毅

余靖字安道世莆人五代之際逃亂于韶州至靖舉

天聖二年進士累進賢較理范仲淹以言事觸宰相

得罪諫官御史不敢言疏論之追奪貶監筠州酒稅

徙秦州已仁宗感悟亟復用仲淹因之被斥者皆召

還惟靖以便親乞知英州累官經制廣東西賊盜平

儂智高亂靖經制五管前後十年凡治六州所至有

開書 卷之百三十四 商派 七五 張汝

遺愛英宗即位拜工部尚書代還卒贈刑部尚書謚
襄靖

方惟深字子通父龜年景祐元年進士與蘇絨齊名
仕至屯田郎中有經史解題四十五卷群書新語十
卷卒塋姑蘇惟深因居吳舉進士不第即棄去樂吳
中山水吟咏自娛其吟古栢詩云四邊喬木盡兒孫
曾見吳宮幾度春若使當時成大厦也應隨例作埃
塵又舟下建溪詩云湍流恠石礙通津一一操舟若
有神自是世間無妙手古來何事不繇人又如客帆
夜浦月黃昏野店無燈欲閉門半出岸沙楓欲死繫
舟猶有去年痕王荆公甚喜之自是隱然有聲東南
與樂圃朱長文並隱吳中長文晚起爲太學博士獨
惟深高卧不應錢正老云近時士大夫中若使蹈禹
鑊臨白刃而不回者除是方子通時流但以詩篇見
稱其末事耳後以薦授興化軍助教就賜勅牒袍笏
於家

陳君仁字安行莆田太府少卿膏之子娶明州汪氏
女因家焉居仁紹興二十一年進士秦檜與膏有故
有勸以一見可得美官居仁終不自通虞允文建恢
復之策欲引爲用與論兵謝不能退而貽書謂有定

力者乃可立事嘗轉對言立國須立定規模帝曰朕於規模未嘗不立居仁奏陛下銳意恢復繼乃通和和戰守三者迄今未定孰爲規模耶文聞之曰陳君此言正前日定力之論某今益知其當也累遷禮部郎中請外知徽州入對孝宗稱其治行天下第一集英殿修撰知鄂州進煥章閣待制移建寧府歲饑出儲粟平其價弛逋負以巨萬計代輸畸零繭稅有告糶殺人會赦免居仁曰此亂民也遂誅之觀察推官柳某貧死不克歸二子行乞于道憐予衣食擇師教之鎮江大旱又移守鎮江區畫有方所存活數萬計加寶文閣待制知福州再進華文閣直學士提舉太平興國宮卒贈金紫光祿大夫有制藁詩文行世子卓端平初簽書樞密院事以資政殿學士奉祠卒平生不營產業塋事不能具丞相吳潛移書制置使助之謚清敏

黃士毅字子洪徙居吳旣長徒步還闕求朱文公而師之文公授以大學章句終其身從事於斯知府王遂稱爲考亭名士閩郡黃邃又謂之有道君子所著有類註禮譔次文公書說七卷文集百五十卷又因語錄成言分門序次爲語類百三十八卷

元

劉濩方全翁

劉濩字聲之占籍杭州與劉汶師魯並以德行文章

稱一時

方全翁字希玄鄞人軫之裔敦行博學志不仕元方

國珍據有明州致書以宗人稱欲強起之全翁歷叙

世次不敢附籍且謂大明真天子出懇辭勸之

奉圖歸順國珍不從遂與絕號遜菴以明志

何子曰唯楚有才晉實用之維閩有才出而用世天

下一君四海一國邈所自出不亦大乎

贊曰古人族望必著本始維桑與梓乃恭敬止儀操

南音念舊是美丘也殷人則我孔子我傳諸公意亦

如此

閩書卷之一百三十五

方伎志

福州府

閩縣

唐

黃徹

黃徹閩小吏也常袞為觀察時有僧某者善占色言
事若神袞惜其老命弟子就其術僧云此事天性非
可造次為傳某嘗於君左右見一人可教遍招得徹
袞命就學老僧遂於暗室中致五色綵於架令自取
之曰但熟看之旬日後依稀認其白者後半歲看五

色卽洞然矣命之曰以若閻中之視五綵迴之白書
占人可神其術因傳方訣且言後代當無加也李吉
甫稱徹神占可亞袁許焉

宋

何希彭

賴先知

黃撥沙

何希彭蔡襄知州日作太平聖惠方後序親書於碑
其略曰太平皇帝一平字內集古今名方輿藥石診
視之法勅國醫詮次類分百卷號太平聖惠方詔頒
州郡承之大率嚴管顛謹曝晾而已吏民莫得與利
焉閩俗左醫右巫疾家依巫索崇而過醫門十纜二

三故醫之傳益少余治州之明年議錄舊所賜書以
示於衆郡人何希彭者通方伎之學凡聖惠方有異
域瓌怪難致之物若食金石草木得不死之篇一皆
置之酌其便於民用者得方六千九十六希彭謹愿
自守爲鄉間所信因取其本膽載於板列牙門之左
右所以尊聖王無窮之澤又曉人以巫祝之謬使之
歸經常之道亦刺史之一職也
賴先知長水城之學漂泊嗜酒客臨川羅豫章所羅
敬愛之言喪妻命十地得一處耳穴前小澗水三道
平流唯第三道不過身而徑入田賴笑曰此三級狀

元城也恨第三不長若子孫他年崇試正可啓於榜
眼耳羅子邦俊挾十三歲兒在傍立拊其頂而顧賴
曰足矣足矣若得狀元身邊過也得所謂兒者春伯
樞密也年二十有六廷唱爲第二人賴竟沒於羅氏
水城文字雖存莫有得其訣者
黃撥沙善相塚畫地爲圖卽知休咎因號撥沙婆人
有世患左目者問之曰祖墳木根傷塋者左目發塚
果然出之卽愈

皇朝

鄭昭甫

鍾誌

陳旭

張子絃

鄭彥初

周文靖

朱孟淵

林質齋

邵文恩

沈政

馬景約

趙迺

高鳳

任綱

鄭昭甫善山水兼寫真有節操駙馬都尉王恭逼之
寫像投筆徑去因大哭恭無如之何

鍾誌字汝持精地理善楷法剛中少容片語不合輒
拂袖去或時面折人貌發赤不少怒然動止依禮法
與人交不以勢利衣食或不克略不介意自號樂壽

山人

陳旭字叔旦善楷書

周書

卷之三十五方伎

三

陳第

張子絃工畫梅林膳部鴻有題子絃畫梅歌

鄭彥初永樂初工畫墨梅

周文靖善山水蒼潤精密筆力古健醞釀墨色各臻其妙人物草竹石翎毛樓閣牛馬之類咸有高致宣德間以陰陽訓術徵直仁智殿御試枯木寒鴉第一歷官鴻臚序班子昂亦善畫徵襲錦衣衛鎮撫

朱孟淵善寫人物番馬効李伯時獨得其奧與脩撰林誌舍人陳登太傅楊榮友善嘗繪蘭亭記淵明歸去來圖西園雅集圖滾塵騶之類同時楊文敏楊文貞林太史諸公皆爲題跋

林質齋善山水人物清幽瀟灑子玘見縉紳

邵文恩字仁甫工行草選直誥勅房又工山水師法非苑古雅可觀累官尚寶卿

沈政字以政工花竹翎毛官至順天府丞直仁智殿馬景約字自牧善山水逼真高彥敬出入董米間談笑揮洒曲臻其妙

趙廸字景哲工水墨山水師法二米高鳳椽也以意遇物推卜輒中士人傳鼎求鳳占試曰君第一人也既果然人怪問之鳳曰吾適剖椰子而傳至其象解員故占當爲解元後聞縣林士元亦

舉第一先數日鎮守內臣欲豫知其人書一興字命
 之占鳳曰竊觀尊意在興化乎不然也公所書興字
 從俗省書也其人在中八府俱下必閩城矣時時語
 人鳳小吏耳卜若可信當至五品京職不審何從也
 弘治中果蒙召占驗恩授工部郎中
 任綱字必用精堪輿所著有陰陽述而賦性耿介鄉
 人有居宮鉅富者以厚幣求卜宅兆綱深拒之退告
 人曰若得吉壤豈天道耶吾術固擇人耳

候官縣

皇朝

林垵

林文卿

林垵字惟堅善墨竹海內貴其尺幅信陽何景明極
 推重之贈之詩有臨風寫雨奪天巧之句

林文卿工山水筆氣清勁濃淡得宜亦精於寫照花
 竹人物之類

懷安故縣

宋

楊士瀛

費道寧

楊士瀛字登父精通醫學嘗著活人總括醫學真經
 直損方論行于世

周書

卷之二十三 方伎

五

陳第

費道寧大觀中以丹青召入畫院善花草多作交枝
長樂縣

皇朝

鄭 漿

劉 祥

林真士

林景時

張士達

林 輔

高維端

林 銘

高景度

林宏顯

李 焮

張德輔

林遵性

鄭漿字孔濟工醫學其診脉能知三五年後生死活
人甚多亦能詩

劉祥字瑞初號雪溪精醫善畫龍虎

林真士工山水與高棟友善棟題真士畫云楚雲天

外數峯青春水桃花滿洞庭落日樓臺明鏡裡欲停

瑤琴候湘靈

林景時善畫山水自號虛白子專學二米間効商高

竹木林泉有意外趣

張士達善畫龍虎蘆雁墨筆尤奇

林輔字叔弼善畫張士達授以筆法山水蘆雁龍虎

皆臻其妙

高維端號正翁高棟之族善畫蒲萄得陳天民體

林銘字良箴號琴樂子工山水物竹石得宋元遺意

高景度工山水

林宏顯彌洞陽以畫梅名効楊補之王元章

李焮號十洋子善畫龍虎亦能詩

張德輔善畫魚

林遵性隱居煥南董山之下善墨竹

福清縣

宋

陳天民

陳天民幼隨父宦山東遊泰山日觀有道士知歸子善於蒲萄天民學之遂得其妙

皇朝

鄭環

朱宗明

鄭克剛

周文靖

鄭環父麟善畫善醫環世父業醫術尤精

朱宗明性耿介善鼓琴永樂初徵入京卒賜棺衾給

驛歸貧不能葬其徒馬鐸率士流為營塚

鄭克剛善畫馬得韓幹趙仲穆筆法宣德間徵入京

賜御畫

周文靖善畫尤長古松嘗徵入直仁智殿

泉州府

晉江縣

漢

周書

卷之二十三 方伎

七

司陳第

陳寨

陳寨巫者也善禁祝術治病多愈者有漳州逆旅蘇
猛其子發狂人莫能療乃往請陳陳至蘇氏子見之
戟手大罵寨曰疾入心矣乃立壇堂中戒人無得竊
視至夜取蘇氏子劈為兩片懸堂東壁其心懸北簷
下方在堂作法所懸之心遂為犬食求之弗得寨驚
懼乃持刀宛轉於地出門而去主人弗知也食頃持
心而入內於病者之腹被髮連呼其腹遂合蘇氏子
既寤但連呼遍舖遍舖初南中驛路二十里置一遍
舖驛吏持符牒以次傳授欲近前舖輒連呼以警言之

蘇氏子既呼遍舖家人莫測乃其日去家數里有驛

吏手持官文書歿道傍蓋寨取驛吏心而活蘇氏子

皇朝

余廷端

蘇朝傳

史朝定

李元達

陳從堯

余廷端世業醫至廷端而得張長沙五運六氣之妙
用藥鮮不効者洪武中薦授郡醫學正科閩郡鄭定
廬陵胡廣為賦橘井秋香詩

蘇朝傳善鑄銅凡彝鼎博山之屬一經鑄作無不精
美尤善為仙人之像海鶴之形至有高丈餘者人莫

知其菑之所師也

史朝定善畫美人寫真有割股之孝敬先字孤之美

李元達善寫竹

陳從堯精奕同時有蔡學海者亦以奕名

南安縣

皇朝

蘇璿

傅金山

蘇璿字孔璣精脉訣能診知生死休咎病者求藥無

不樂與而不受其直

傅金山善畫菜

建寧府

建安縣

宋

張霖

張霖字材叔以善寫晦翁名公卿間而氣象猶儒者

郁英為文送之稱其老而益窮南北逐食無定歲

皇朝

許宏

雷伯宗

孫時中

姚子清

王彥真

陳子和

雷鯉

許宏字宗道幼讀書精醫能起奇証異疾又善詩文

寫山水年八十餘所著醫方有通玄錄詩有南窓草

錄山水平八十餘冊著書六本賦文繪畫亦南窓草
雷伯宗名勲以字行讀書明醫尤精小兒科洪武間
授醫學正科所著有千金寶鑑行世子野僧亦明醫
為鄭府良醫裔孫時中

時中精易學及岐黃諸書醫有奇中貧者暮夜叩之
必攝衣往與之錢則辭而益發南北復身無衣戴

姚子清善山水

王彥真善墨竹道遇新寧林彥時寫歲寒烟雨圖為
別王典籍恭為之題詩

陳子和專工人物筆意散逸自號洒仙山巖樹木奇
怪蒼潤評者謂在吳偉郭詡間

雷鯉字惟化學沈周寫山水花草老筆蒼然又善詩
篇工篆隸

新中甌寧縣水閣甚壯

元

劉 畝

劉畝字扣中韜九世孫自號和齊業醫而精性樂施
與人感其惠

皇朝

鄒 福

趙希抃

林一清

黃 錦

葉汝楠

潘承秀

鄒福字魯濟業醫善察脉逆知人死生於數載之前
遇奇痘他醫不能治者福投數劑輒愈嘗手集經驗
良方十卷仲子遜世其業季子員領鄉薦任連山知
縣

趙希抃字宋卿家貧尚氣節工繪畫善鼓琴長於詩
徐中行子與來聞甚加敬禮

林一清字源潔善繪事筆法蒼古年八十餘信手揮
染無不妙絕

黃錦字子綱祖世德太醫院判授秘術錦學而精之
治傷寒痘疹尤有奇効子洛孝友慷慨活人衛生

葉汝楠字子林精醫尤善治痘疹
潘承秀字君實孝友精醫

建陽縣

宋
張黃合傳
余煥

張彥悅黃某朱文公文集云鄉人新作聚星亭欲畫
荀陳遺事于屏間而窮鄉僻陋無從得本張黃二生
能考究車服制度想像人物風采觀者皆歎其工
余煥工大小篆書筆勢奇偉真文忠公嘗使書聖賢

言揭坐側稱其如正人端士服古衣冠巍然拱手使人望之起肅敬雖嚴師善友曾不過是

皇朝

熊宗立 程伯昌

熊宗立通陰陽醫卜之術註解天玄雪心二賦金精鰲極難經脉絕等書撰藥性賦補遺及集婦人良方行于世

程伯昌善醫又授雷霆秘訣祈禱驅除大驗尤妙催生法好象碁對局終不釋有急叩者令持一棋子胎即下一日於郡城遇一乞者貌甚惡伯昌教市童呼

之千年不灰鬼乞者指伯昌罵曰饒舌哉雷部判官精蓋其降世云

崇安縣

宋


劉伯桓

劉伯桓一名元伯韜六世孫嘗遇異人授以岐黃之術自是病者求治無不全活

元

空空子

空空子江姓名無外少徵五代孫也幼誦群書輕視



榮利凡梓匠丹青陶冶塑刻之技不借師資特發妙
巧雖專門莫及

皇朝

范川莊

范川莊國初人善畫有欲薦爲金門畫士者川莊自
謀曰巖廊畫工必極天下之選豈易應邪徑遊金陵
訪金門畫客有程姓者求見請曰川莊貧無以活願
傭門下供薪水暇則洗硯研墨執事左右許之川莊
觀程畫出已下一日昧爽往汲奔歸程急驚愕不能
聲詢之曰適見羣怪莫能形容請貌之紙程見其備

寫幽怪屈伸牽挽奔跳之狀大驚曰子吾師也卽下
拜歲暮無以供臘其隣嘲之范曰吾有一鷺勞子市
之隣曰諾乃取紙畫鷺張翼威頸作將鬪狀隣曰除
夕矣孰用此也川莊曰汝候富家有鷺歸者汝黏之
壁人必取之如其言見童子驅鷺者隨之黏諸壁鷺
見畫鷺卽雄聲展翼作鬪狀旣近畫鷺遂戢翼垂頭
而走主人出金求之

浦城縣

宋

章友直

周書

卷之三十三

方伎

七

章友直卓犖不羈通相術知音樂書畫奕棋皆有名
族人得象為相欲奏以官不起皇祐中大學篆石經
有言友直善篆召之石經成除試將作監簿不就

皇朝

詹林寧

詹林寧字必泰工山水花鳥天順間召入京師成化
元年授工部文思院副使直仁智殿

延平府 將樂縣

元

伍元如 鄭鏗

伍元如專工山水愛作烟雲出没竹木變怪之勢

鄭鏗字子聲性嗜學攻詩尤長于畫鏗歿黃鎮成有
詩懷之云能盡能詩鄭廣文丹成揮手謝塵氛不知
笙鶴遊何處留得瀟湘一片雲

皇朝

鄭文英 王人佐

鄭文英工人馬學趙承旨得其大畧書人無不稱
王人佐善畫梅花枝葉點綴多師王冕

沙縣

皇朝

國朝書

卷之二十三 方伎

五

羅汝文 張宗華 邊孟屯 邊景昭

鄧文明羅績劉琦盧朝陽合傳張一奇 俞必興

羅汝文善山水

張宗華字穎之清介絕俗善詞章草書人稱如秋雲捲雨蒼石纏藤元季晦匿不出洪武初詔徵以老辭子允厚知霍州允繼獲嘉教諭

邊孟屯善山水人物

邊景昭字公進夷曠洒落博學能詩精花果翎毛宣德間召至京師授武英殿待詔子楚芳楚善並世其

子占籍錦衣至其壻張克信甥俞存勝亦能之 鄧文明羅績劉琦盧朝陽俱邑人善翎毛工巧處間

似景昭

張一奇字彥卿自號散仙善翎毛山水名聞于時嘉靖間至京師召畫 稱旨授錦衣千戶

俞必興工翎毛

永安縣

皇朝

李宗謨

李宗謨號小樵又號古楸子工人物間寫山水白描亦精緻秀雅

國朝書

卷之二十三 方伎

七五

二百五六

汀州府 長汀縣

宋

李交

李交善圖猫世人珍之

寧化縣

皇朝

楊英

楊英精畫樓閣嘉靖間屢徵直畫院不往自傷其目

武平縣

皇朝

鍾尚端

鍾尚端善畫尤工傳神

連城縣

皇朝

李學仕

童養靜兄弟

李學仕受業莆中林兆恩傳脩煉功雲遊方外闡釋

養生術隨在有驗易名遁迹莫知其處

童養靜養廉兄弟也養靜慕玄養廉善操俱工於畫

歸化縣

皇朝

周書 卷之二十三 年

孫萬益

孫萬益善寫翎毛子孫世習焉

興化府 莆田縣

皇朝

周春谷 三世 方用晦 晦族子 劉菽

李在 林時詹

周春谷號樂真年十五走江右遍謁諸名醫者得其秘術凡診脉視病斷其生歿無不驗者一夕夢人語之曰聞君醫國手請上玉華樓既覺即戒家人治喪具示以歿之月日人初以為狂及期果卒年僅二十

八弟善卿亦業醫與兄齊名善卿子用文精瘍醫洪武初以行省檄為郡惠民藥局瘍醫之師用中善藥辨中之証用文子弼自號穀城子無通內外科尤精百草之性鄉落中凡牛羊雞犬之疾野老村嫗走求之略投以草藥一二品無不瘥者蓋周氏精醫三世矣
方用晦善詩學醫於蜀人虞仲文其察病治不治率一言決蒲中名能醫者皆廢歲大疫設鼎孔道來求瘵者先使其徒診視相與審訂而後施治活人甚多有酬之貲者貧則却之富則受而散之以濟窮乏或

周書 卷之二十三 方伎 二百六

以昇造橋砌路者自號杏翁所著有杏林肘後方傷寒書脉理精微書傳世用晦詩如哭郭維貞山人破屋瀛洲上清貧獨可憐書存無子讀詩好有僧傳葬卜中元夜墳臨北源邊窮交共白首莫贈買山錢淒斷可誦也用晦門徒曰鄭德孚亦精用晦術

士用晦族子精醫濟人自奉甚約惟尊祖敬宗之為拳拳

姪顯傳士學自號橘泉翁莆人稱為方一劑而亦推重其文行

劉菽諸生也因病學醫遂多奇中於醫經本草多所發明以貧求者不受其謝人益歸之

李在字以叔山水細潤者宗郭熙豪放者宗夏珪馬遠筆氣生動四方寶之宣廟喜繪事一時與

戴文進謝廷循石銳周文靖同待詔直仁智殿

林時詹環從子善繪事尤長山水天順六年召詣京師成化初賜冠帶直仁智殿繼除工部文思院副使

同郡許伯明亦為文思院副使與時詹同被召善寫花鳥竹石之類

仙遊縣

宋

鄭德孚

鄭德孚耕老之裔初從吳司業源讀書後學醫精其術

邵武府 邵武縣

元

李中明 上官伯達

李中明工山水甚為鄉人黃鎮成所推

上官伯達畫神佛人物傳色既真神采亦備

皇朝

王顯號西涯善繪事師竹鶴老人

建寧縣

皇朝

廖壽山刺人來吳家至兩喻史前翁之號

廖壽山精醫輕財活人甚眾

漳州府

龍溪縣

宋 康庶字達先家貧博覽經史取予不妄通邵氏數學

康庶

善觀天文占休咎隱居名第山郡守欲延以學職辭

不起一日自題於壁云某日太守至及期守傳伯壽

果至嘗謂人曰某日朝廷有變既而光宗崩又曰庚

午詔書鄉里不薦士所言皆驗

皇朝一日自朕試望云某日太平至又問守節外高

詹永達 山林存祥 各業山嶽守塔或以學鄉

詹永達得異書水中遂瞽而精十有媪子病持米詣

卜永達外出先留字遺之曰升米買一哭俄家人走

計果哭婦嘗為陳氏卜宅曰某郎某時當生一子官

主事自此後陳不如前陳其人笑曰兒貧安所得婦

家故零落後尚不如前耶既兒果得耦生男官主事

而前里有陳人來居起家至兩御史前後之說始驗

林存祥善醫用藥詳性味而變通之不拘方類經治

療者多愈年七十卒

福寧州

宋

曾世賢 子人 蘇 晉 陳 尚 又 本 林 景 圭 林 鳳 蒼

曾世賢工山水翎毛點染綽有神氣傳真亦臻妙境

皇朝 黃 刃 刺 于 吏 林 夫 亦 成 持 益 林 必 刃 世 林 六 十

丁 杞 素 和 謝 壽 四 十 十 陳 顯 林亮圭 林壁附 詹仲至

周 廉 林 裕 曰 高 坤 劉 滋

何雪澗 徐 昆 盛 接 京 坐 巽 行 向 人

丁杞彌種松子三世業醫杞診脉能決生歿正德辛

未大疫萬州守一家皆病服其劑盡愈入覲携柩隨
行柩兄故歿非辜柩赴闕伏訴讐家竟坐罪亡何歿
獄中柩方病革聞之嘆曰歿無憾矣

謝四精太素脉盛蠡齋七十病篤謝曰尚可十餘年
盛媪黃氏陳于夷牀矣亦如許盛林愛民母將六十
病甚謝曰未也過八十以往未之或知也後皆驗
陳顛故釋氏子人稱良醫和尚又有林亮圭林璧皆
以善醫稱

詹仲至善山水

周蕙善繪工翎毛自重不輕售

林裕善畫

高坤工畫尤長於梅

劉滋善畫鷹尤長於竹年九十餘

何雪澗善畫龍虎遠近爭求沒後益貴重

徐昆善篆隸旁通琴詩草畫

福安縣

皇朝

鄧彥仁

鄧彥仁精醫急於救人不責其償

寧德縣

皇朝

陳寧

陳寧學正和之子精醫術有士行

[Faint bleed-through text from the reverse side of the page]

閩書卷之一百三十六

方外志

釋衲

唐

懷濬

弘濟

懷海

大智

頭陀

靈訓

普光

楚南

慈慧

文矩

了拳

僧懷濬有上歸州刺史詩二首家在閩中東復東其中歲歲有花紅如今不在花紅處花在舊時紅處紅家在閩川西復西其中歲歲有鶯啼如今不在鶯啼處鶯在舊時啼處啼



僧弘濟齋戒精苦嘗於沙岬得一顱骨遂貯衣藍中歸寺數日忽眠中有物齧其耳以手撥之落聲如數升物疑其顱骨所爲也及明果墜在牀下遂破爲六片零置瓦溝中夜半有火如雞卵次第入瓦下燭之弘濟責曰爾不求生人天何憑朽骨

洪州百丈山懷海禪師長樂人姓王氏卅歲離塵三學該練屬馬祖闡化江西傾心依附與西堂智藏南泉普願同號入室海侍馬祖言下有悟被祖振威一喝直得三日耳聾自此雷音將震檀信請於洪州新吳界住大雄山以居處巖巒峻極故號百丈處未基月參玄之賓四方磨至瀉山紅檗實當其首每上堂有一老人隨衆聽法一日衆退惟老人不去海問何人老人曰某非人也於過去迦葉佛時曾住此山因學人問大修行小還落因果也無某對云不落因果遂五百生墮野狐身今請和尚代一轉語貴脫野狐身海曰汝問老人曰大修行人還落因果也無海曰不昧因果老人言下大悟作禮曰某已脫野狐身住在山後敢乞依亾僧津送海令維那白椎告衆食後送亾僧大衆聚議一衆皆安湟槃堂又無病人何故如是食後海領衆至山後巖下以杖挑出一死野狐

廼依法火葬之海凡作務執勞必先於衆主者不忍
密收作具而請息之海曰吾無德爭合勞於人既徧
求作具不獲而亦亾飡故有一日不作一日不食之
語流播寰宇矣元和九年歸寂諡大智禪師

百丈山大智禪師長樂人初事龍泉禪師一日師令
浣巾於井見青黃二龍戲井中翫之歸遲其師詰之
遂以鉢探二龍獻師師奇之令削髮遊方臨行囑之
曰逢馬則參遇丈則止果至百丈山參馬祖師遂得
道於其山後復歸龍泉立道場製叢林規傳于世
頭陀俗姓李幼從百丈禪師住洪州後還塋母於沙

堤間前廬墓三年題詩石上曰守墳三載念生緣種
樹爲陰出世恩劃石寄言相付囑一重孫付一重孫
題畢石自開頭陀遂端於中與石復合

本州芙蓉山靈訓禪師初參歸宗智常問如何是佛
宗曰我向汝道汝還信否和尚誠言安敢不信宗曰
汝便是曰如何保任宗曰一翳在眼空華亂墜訓辭
宗問將何處去曰歸嶺中去宗曰子在此多年裝束
了却來爲子說一上佛法師結束了上去宗曰近前
來訓近前宗曰時寒途中善爲訓聆此言頓忘
本州普光禪師得青原行思禪師之傳

前解

杭州千頃楚南禪師叅黃檗檗問子未現三界影像時如何曰卽今豈是有邪曰有無且置卽今如何曰非今古檗曰吾之法眼已在汝躬住後上堂諸子設使得三世佛教如錡注水及得百千三昧不如一念修無漏道僧問如何是易師曰著衣喫飯不用讀經看教不用行道禮拜燒身煉頂豈不易耶曰如何是難曰微有念生便具五陰三界輪回生死皆從汝一念生所以佛教諸菩薩云佛所護念大順三年宣州孫儒寇錢塘發塔覩師全身儼然爪髮俱長拜謝而去本州九峯慈慧禪師初在瀉山瀉上堂曰汝等諸人祇得大機不得大用慧便抽身出去瀉召之慧更不回顧瀉曰此子堪爲法器一日辭瀉山曰某甲辭遠和尚千里之外不離左右瀉動容曰善爲善泉州國歡文矩禪師生而有異長爲縣獄卒每每棄役往神光觀和尚及西院安禪師所後謁譚空落髮不披袈裟不受具戒惟以雜綵爲挂子復至神光光曰我非汝師師禮西院去師携一小青竹杖入西院法堂遙見笑曰入涅槃堂去師應諾輪竹杖而入時有五百許僧染時疾師次第以杖點之隨點各起了拳咸通間脩行廣東陰那山解法悟道行雨露間

不濡臨沒說偈趺坐而化號慚愧祖師
五代

如敏 契盈 師解 堂古 文邃 道虔

洪薦 月輪 師護 微 無殷 從範

嚴 慧宗 從展 師彥 弘教 可觀

玄通 皎然 從弁 契璠 永泰 元儼

如體 寶聞 守訥 文超 神祿 紹孜

義因 重滿 契符 道希 明法 契如

神祿 慧覺 洪儼 慧朗 常慧 靜

清換 契訥 弘辨 可隆 守玘 令含

澄靜 從瓌 文欽 了覺 瀛 守清

契穩 智嵩 文義 了宗 宗曉 冲煦

妙行 照 智遠 師貴 義聰 從貴

藏用 彥端 志端 明 祥 清皎

玄旨 清慕 志恩 洞明 玄亮 清聳

慧居 圓明 行雲

韶州靈樹如敏禪師廣主劉氏奕世欽重署知聖大
師四十餘年教被嶺表廣主將興兵就決臧否師已
先知怡然坐化主怒知事曰和尚何時得疾對曰初
無疾適封一函子令呈大王主開函得一帖子云人

天眼目堂中上座主悟遂寢兵契盈從錢吳越王登淶波亭時兩浙貢賦繇海上達青州登陸凡三千里王命對曰三千里外一條水契盈應聲曰十二時中兩候潮人稱駢切本州壽山師解禪師闍帥問壽山年多少師曰與虛空齊年曰虛空年多少曰與壽山齊年

本州雙峯古禪師本業講經因叅先峯後到石霜但隨衆而已更不叅請衆謂古侍者嘗受雙峯印記往往聞于石霜霜欲詰其所悟而未得其便師因辭去霜將拂子送出門首召曰古侍者古回首霜曰擬著卽差是著卽乖不擬不是亦莫作箇會除非知有莫能知之好去好去古應諾卽前邁尋屬雙峯示寂廼繼續住持僧問和尚當時辭石霜石霜何知道古曰教我不著是非

澧州欽山文遠禪師僧問如何是祖師西來意曰梁公曲尺誌公剪刀問一切是諸佛法皆從此經出如何是此經師曰常轉瑞州九峯道虔禪師僧問人人盡言請益未審師將何拯濟虔曰卽道巨嶽曾乏寸土也問祖祖相傳復傳何事虔曰釋迦慳迦葉富曰如何是釋迦慳虔曰

無物與人曰如何是迦葉富虔曰國內孟嘗君曰畢竟傳底事作麼生虔曰百歲老人分夜燈

本州覆船山洪薦禪師將示寂三日前令侍者喚第一座來薦臥出氣一聲座喚侍者曰和尚渴要湯水喫薦面壁而臥臨終令集衆迺展兩手出舌示之時第三座曰諸人和尚舌根硬也薦曰苦哉苦哉誠如第三座所言舌根硬去也言訖而寂

撫州黃山月輪禪師福唐許氏子上堂祖師西來特唱此事自是諸人不薦向外馳求投赤水以尋珠就荆山而覓玉所以道從門入者不是家珍認影迷頭豈非大錯

廣州光聖院師護禪師僧問學人乍入叢林西來妙訣乞師指示師曰汝未入叢林我已示汝了也曰如何領會師曰不要領會

本州牛頭微禪師僧問不問驪龍領下珠如何識得家中寶曰忙中爭得作閒人

吉州禾山無殷禪師七歲從雪峯出家依年受具偈九峯問汝遠遠而來暉暉音隨衆見何境界而能脩行繇何徑路而能出離曰重昏廓闕盲者自盲峯迺許入室後住禾山學徒濟濟諸方降歎

本州香谿從範禪師披衲衣次說偈曰迦葉上行衣披來須捷機纔分招的箭密露不藏龜

本州聖壽巖禪師補衲次僧叅師提起示之曰山僧一衲衣展似衆人見雲水兩條分莫教露針線

吉州靈巖慧宗禪師僧問如何是靈巖境師曰松檜森森密密遮曰如何是境中人曰夜夜有猿啼問如

何是學人自己本分事曰何爲拋却真金拾瓦礫

漳州保福院從展禪師年十五禮雪峯爲受業師遊

吳楚間後歸執侍梁貞明四年潭州刺史王公創保

福禪苑迎請居之開堂之日王公禮跏三請躬自扶

掖陞座

台州瑞巖師彥禪師初禮巖頭全歲歲每與語微醅

無忒後謁夾山尋居丹丘瑞巖坐磐石終日如愚每

自喚主人公復應諾迺曰惺惺著他後莫受人謾師

統衆嚴整江表稱之一日有村媪作禮師曰汝速歸

汝取數千物命媪回舍見兒婦拾田螺歸遂放之水

濱師之異迹頗多不繁錄矣

泉州睡龍山道溥弘

禪師僧問凡有言句不出大

千頂未審頂外事如何曰凡有言句不是大千頂曰

如何是大千頂曰摩醯首羅天猶是小千界

南嶽金輪可觀禪師

本州太普山玄通禪師問如何是祖師西來意師曰
齧骨頭漢出去問撥塵見佛時如何曰脫枷來

商量

本州長生山皎然禪師久依雪峯一日與僧斫樹次
峯曰斫到心且住師曰斫却著峯曰古人以心傳心
汝何道斫却師擲下斧曰傳也

本州蓮華永福院從弁超證禪師上堂長慶道盡法
無民永福卽不然若不盡法又爭得民
本州南禪契璠禪師上堂僧問如何是第一義曰何
不問第一義曰見問曰已落第二義也

本州永泰和尚問如何是天真佛師拊掌曰不會不

會

本州極樂元儼禪師僧問如何是極樂家風曰滿目
看不盡

本州芙蓉山如體禪師僧問如何是古人曲調師示
頌曰古曲發聲雄今時韻亦同若教第一指祖佛盡
迷蹤

南嶽般若惟勁寶聞禪師師雪峰而友玄沙深入玄
奧嘗續寶林傳四卷紀貞元後宗門繼踵之源流
池州壽昌院守訥妙空禪師僧問未到龍門如何湊

泊師曰立命難存

泉州開元寺文超禪師策經爲僧去遊四方于時哲
匠壺奧咸入博洽內外學聲聞朝野刺史王延彬以
其能詩構院開元殿東曰清吟居之門弟子多賢者
無晦文章尤知名

溫州瑞峯院神祿禪師久爲瑞巖侍者後開山創院
學侶依附有偈曰蕭然獨處意沈吟誰信無絃發妙
音終日法堂惟靜坐更無人問本來心

本州羅山紹孜禪師定慧禪師自西川來叅至法堂
嘆曰我在西蜀峨嵋山脚下拾得一隻蓬蒿箭擬撥
亂天下今日打羅山寨弓折箭盡也

本州羅山義因禪師僧問承古有言自從認得曹谿
路了知生歿不相聞曹谿路卽不問如何是羅山路
因展兩手僧曰恁麼則一路得通諸路亦然因曰甚
麼諸路僧近前叉手師曰靈鶴烟霄外鈍鳥不離窠

本州興聖重滿禪師上堂覲面分付不待文宣對眼
投機喚作叅玄上士若能如此所以宗風不墜

本州升山白龍院道希禪師問如何是西來意曰汝
從何處來問如何是佛法大意希曰汝早禮三拜
本州螺峯冲奧明法禪師問牛頭未見四祖時如何

曰德重鬼神欽曰見後如何曰通身聖莫測

本州大章山契如庵主素蘊孤操志探祖道預玄沙之室穎悟幽旨不務聚徒不畜童侍隱于小界山創大朽杉若小庵但容身而已清豁冲煦二長老嚮師名未嘗會遇一旦同訪之頗味高論晤坐左右不覺及夜觀豺虎奔至庵前自然馴遶二公尋於大章山創庵請師居之兩處孤坐垂五十二載而卒

本州蓮華山永興神祿禪師閩王請開堂僧問大王請師出世未委今日一會何似靈山師曰徹古傳今問如何是和尚家風曰毛頭顯沙界日月現其中

本州報慈院光雲慧覺禪師閩王問報慈與神泉相去近遠曰若說近遠不如親到

本州水陸院洪儼禪師上堂大眾集定師下座捧香爐巡行曰供養十方諸佛便歸方丈

本州報慈院慧朗禪師問三世諸佛盡是傳語人未審傳甚麼人語師曰聽曰未審是甚麼語曰你不是鍾期間如何是學人眼曰不可更撒沙

本州長慶常慧禪師僧問不犯宗風不傷物議請師滿口道師曰今日豈不是

本州古佛院靜禪師僧問學人欲見和尚本來面目

曰洞上有言親體取曰恁麼則不得見去也曰灼然客路如天遠侯門似海深

本州枕峯觀音院清換禪師上堂諸禪德若要論禪說道舉唱宗風祇如當人分上以一毛端上有無量諸佛轉大法輪於一塵中現寶王刹佛說衆生說山河大地一時說未嘗間斷如毗沙門王始終不求外寶既各有如是家風阿誰欠少

本州東禪契訥禪師僧問如何是現前三昧曰何必更待道

本州長慶院弘辨妙果禪師僧問海衆雲臻請師開方便門示真實相師曰這箇是方便門曰恁麼則大衆側聆去也曰空側聆作麼

本州東禪院可隆了空禪師上堂大好省要自不仙陀若是聽響之流不如歸堂向火

本州萬山令含禪師上堂還恩恩滿賽願願圓便歸方丈

本州祥光院澄靜禪師僧問如何是道曰長安路上曰向上事如何曰谷聲萬籟起松老五雲披

杭州報慈院從瓌禪師僧問承古有言今人看古教未免心中鬧欲免心中鬧應須看古教如何是古教

曰如是我聞曰如何是心中鬧曰那畔雀兒聲

本州報慈院文欽禪師僧問如何是平常心合道師

曰喫茶喫飯隨時過看水看山亦暢情

鼓山智嚴了覺禪師上堂多言復多語繇來反相誤

本州永隆院明慧瀛禪師上堂日出卯用處不須生

善巧便下座

洪州清泉山守清禪師問諸餘即不問如何是向上

事師曰消汝三拜不消汝三拜

本州康山契穩法寶禪師初開堂僧問威音王佛已

後次第相承未審師今一會法嗣何方師曰象骨舉

手龍谿點頭

本州龍山智嵩妙虛禪師僧問古佛化導今祖重興

人天輻輳於禪庭至理若為於開示師曰亦不敢孤

負大眾曰恁麼則人天不謬殷勤請頰使凡心作佛

心師曰仁者作麼生曰退身禮拜隨眾上下曰我識

得汝也

本州龍山文義禪師僧問如何是人王師曰威風人

盡懼曰如何是法王曰一句令當行曰二王還分不

分曰適來道甚麼

本州鼓山智嶽了宗禪師上堂我若全舉宗乘汝向

何處領會所以道古今常露體用無妨

鼓山清諤宗曉禪師僧問亡僧遷化向甚麼去也曰
時寒不出于

本州報國院照禪師上堂我若全機汝何從摸索蓋
爲根器不等便成不具慙愧還委得麼如今與諸仁
者作箇入底門路廼敲繩床兩下曰還見麼還聞麼
若見便見若聞便聞莫向意識裏卜度却成妄想顛
倒無有出期

復州資福院智遠禪師上堂祇據諸賢分上古佛心
源明露現前匝天徧地森羅萬象自己家風與衆生

本無差別涅槃生死幻化所爲性地真常不勞修

証

本州白鹿師貴禪師問牛頭未見四祖時百鳥啣花
供儀見後爲甚麼不來師曰曙色未分人盡望及乎
天曉也如常

本州羅山義聰禪師上堂僧問如何是出窟獅子師
曰甚麼處不震裂曰作何音響曰聾者不聞

本州安國院從貴禪師僧問請師舉唱宗乘師曰今
日打禾明日搬柴問牛頭未見四祖時如何曰香爐
對繩牀曰見後如何曰門扇對露柱

本州怡山長慶藏用禪師僧問如何是伽藍曰長溪

莆田曰如何是伽藍中人曰新羅白水問如何是靈
泉正主曰南山北山問如何是和尚家風曰齋前厨
蒸南國飯午後爐煎北苑茶

本州永隆院彥端禪師上堂大衆雲集師從座起作
舞謂衆曰會麼對曰不會師曰山僧不捨道法而現
凡夫事有底不會

本州林陽瑞峯院志端禪師初叅安國見僧問如何
是萬象之中獨露身國舉一指其僧不薦師於是冥
契玄旨僧問如何是佛法大意師曰竹箸一文一雙
有僧夜叅師曰阿誰曰某甲曰泉州砂糖舶上檳榔
僧良久師曰會不曰不會師曰會卽廓清五蘊吞盡

十方

本州仙宗院明禪師上堂曰幸有如是門風何不坦
赫地紹續取去若也紹得不在三界若出三界卽壞
三界若在三界卽礙三界不礙不壞是出三界是不
出三界恁麼徹去堪爲佛法種子人天有賴

本州安國院祥禪師問如何是宗乘中事曰淮軍散
後問如何是和尚家風曰衆眼難漫

蘄州四祖山清皎禪師臨終遺偈曰吾年八十八滿
頭垂白髮顚顚鎮雙峯明明千江月黃梅揚祖教白

北承宗訣日日告兒孫勿令有斷絕

本州廣平玄旨禪師僧問如何是法身體曰廓落虛空絕玷瑕曰如何是體中物曰一輪明月散秋江曰未審體與物分不分曰適來道甚麼曰恁麼則不分也曰穿耳胡僧笑點頭

本州昇山白龍清慕禪師僧問一切衆生日用而不知如何是日用底曾曰別祇曾與爭得耶

本州靈峯志恩禪師僧問如何是佛曰更是阿誰曰既是如此爲何迷妄有差殊曰但自不亾羊何須泣

岐路

本州仙宗洞明真覺禪師仙宗符禪師法嗣也

本州東禪玄亮禪師僧問祖祖相傳傳法印師今繼嗣嗣何人曰特謝證明曰恁麼則白龍當時親授記

今日應聖度迷津曰汝莫錯認定盤星

杭州靈隱清聳禪師初參法眼眼指雨謂師曰滴滴落上座眼裏師初不喻旨後因閱華嚴經感悟承眼印可回止明州四明山卓庵節度使錢億執事師之禮後居靈隱上寺

杭州龍華寺慧居禪師自天台領旨錢王俶命住上寺開堂示衆曰大施門開何曾壅塞生凡育聖不漏

纖塵言凡則全凡舉聖則全聖凡聖不相待箇箇獨
稱尊所以道山河大地長時說法長時放光地水火
風一一如是

廣州文殊院圓明禪師叅大滙得旨後造雪峯請益
法無異味嘗遊五臺山覩文殊化現迺隨方建院以
文殊爲額開寶中樞密使李崇矩巡護南方因入院
覩地藏菩薩問僧地藏何以展手僧曰手中珠被賊
偷却也李却問師既是地藏爲何遭賊師曰今日捉
下也李禮謝之

行雲自福州來泉陳洪進禮之一日謂洪進曰君當
主此山河及洪進牧泉復謂之曰凡世報莫不前定
苟懷疑殺人鮮能令終故陳雖廢張漢思終不殺之
宋

遇安	道臻	可任	本逸	可瞻	文德
慶閑	有諫	宗一	義隆	師木	道誠
象敦	常委	擇要	可真	淨空	顯端
海印	慎徽	惟禮	可遵	如璨	惠暹
繼超	善秀	守恩	圓璣	康源	祖璿
最樂	達杲	粹珪	體淳	大智	齊
心才	合文	慧空	表自	元禮	知藏

僧珣 達珠 隆 義初 慧深 昭

慧琳 慧忠 了朴 彌光 鼎需 思岳

守淨 曇懿 坦 遵璞 可封 祖元

慧溫 咸傑 安永 志清 宗逮 宗穎

南書記 行者妙心附

溫州瑞鹿寺上方遇安禪師本郡人也閱首楞嚴經

到知見立知即無明本知見無見斯即涅槃師廼破

句讀曰知見立句知即無明本句知見無句見斯即

涅槃句自喜曰此我悟處畢生不易時謂之安楞嚴

至道元年春將示寂有嗣子蘊仁侍立師說偈示之

付囑已澡身易衣昇棺自入經三日門人啓棺覩師

右脇吉祥而臥四眾哀慟師廼再起陞堂說法訶責

垂誠此度再啓吾棺者非吾之子言訖復入長往

道臻禪師古田戴氏子持一鉢走江淮遍叅知識得

旨於浮山遠師遊京師謁大覺璉禪師於淨因璉使

首眾僧於座下璉歸吳眾請師繼任淨因開堂日英

宗遣中使降香賜紫方袍徽號年八十說偈坐化

可仕天聖間詩僧有送僧詩云一鉢即生涯隨緣度

歲華是山皆有寺何處不為家笠重吳天雪鞋香楚

地花他年訪禪室寧憚路岐賒

智海本逸禪師閩縣人九歲出家參廬山禪師入室
頓悟宗旨元豐中詔住大相國寺賜正覺禪師上堂
開口是合口是眼下無妨更著鼻開口錯合口錯眼
與鼻孔都拈却佛也打祖也打真人面前不說假佛
也安祖也安衲僧肚皮似海寬此迺一出入半合
半開是山僧尋常用底

蘇州淨慧寺可瞻禪師長樂羅氏子熙寧辛亥鳴鼓
坐化偈云佛法本無事本來須自知汝心若不了何
以消白日後七日茶毗獲舍利五色

本州靈光院文德禪師坐化偈云四大本空十大何
有澄澄秋月瀝瀝寒泉古岸孤舟鐵帆高掛去則去
住則住謝三不上釣魚船維揚城裏東西路

吉州江山隆慶院慶閑禪師古田卓氏子蘇子繇碑
云閑禪師者臨濟玄公九世法孫而黃龍南老嫡嗣
也南老以道化江西其徒常數百人而師爲高第南
雖在世學者歸之已如雲矣南旣寂一時尊宿無有
居其右者熙寧間廬陵太守張公鑑請居隆慶未朞
年鍾陵太守王公韶請居龍泉不逾年以病求去廬
陵人聞其捨龍泉也舟載而歸居隆慶之西堂事之
愈篤居三年元豐四年三月十三日浴訖趺坐以偈

告衆以將入滅遂泊然而化神色不變鬚髮鬢而復出廬陵守與其人來觀者如堵皆願留事真相長老利儼稟師遺言閣維之薪盡火滅全身不散以油沃薪益之迺化是日雲起風作飛瓦折木烟氣所至東西南北四十里草木沙礫之間皆得舍利如金色碎之如金沙居士長者購以金錢細民捨而鬻之數日不絕計其所獲幾至數斛

本州長樂報恩有諫禪師元祐丁卯作頌坐化

本州廣平院守威宗一禪師上堂達磨大師云吾法三千年後不移絲髮山僧今日不移達磨絲髮先達之者共相證明若未達者不移絲髮

本州玉泉義隆禪師上堂山河大地盡在諸人眼睛裏因甚麼說會與不會時有僧問山河大地眼睛裏師今欲更指歸誰師曰秭爲上座去處分明曰若不上來伸此問焉知方便不虛施師曰依稀似曲纔堪聽又被風吹別調中

本州嚴峯師木禪師開堂陞座極樂和尚問曰大衆願望請震法雷師曰今日不異靈山迺至諸佛國土天上人間總皆如是亘古亘今常無變異如何會無變異底道理若會得所以道無邊刹境自他不隔於

毫端十世古今始終不離於當念

本州保明院道誠通法禪師僧問如何是和尚西來意師曰我不曾到西天曰如何是學人西來意曰汝在東土多少時

本州雪峯象敦禪師僧問如何是佛曰把火照魚行曰如何是法曰唐人譯不出曰佛法已蒙師指示未審畢竟事如何曰臘月三十日

本州廣明常委禪師僧問知師久蘊囊中寶今日當場畧借看師曰看曰恁麼則謝師指示師曰等閒垂一釣容易上釣來

本州廣因擇要禪師僧問佛未出世時如何曰隈巖傍壑曰出世後如何曰前山後山

洪州翠巖可真禪師上堂舉龍牙頌曰學道如鑽火逢煙未可休直待金星現歸家始到頭神鼎曰學道如鑽火逢煙即便休莫待金星現燒腳又燒頭師曰若論頓也龍牙正在半途若論漸也神鼎猶少悟在於此復且如何諸仁者今年多落葉幾處掃歸家上堂臨陣抗敵不懼生死者將軍之勇也入山不懼虎兇者獵人之勇也入水不懼蛟龍者漁人之勇也如何是衲僧之勇拈拄杖曰這箇是拄杖子拈得把得

動得三千大千世界一時搖動若拈不得把不得動不得文殊自文殊解脫自解脫

本州白鹿山顯端禪師問如何是無相佛曰灘頭石獅子曰意指如何曰有心江上住不怕浪淘沙問凝

然湛寂時如何曰不是闍黎安身立命處曰如何是學人安身立命處曰雲有出山勢水無投澗聲問如

何是教意曰楞伽會上曰如何是祖意曰熊耳山前曰教意祖意相去幾何曰寒松連翠竹秋水對蓮

處州遂昌縣龍安洞淨空禪師初創精廬於遂昌之大樓巖既徙居龍安振錫龍井之側有黃龍出受戒

至其巔虎狼蹲踞叱之曰亟去吾欲此居遂結庵其中後歸弋陽白花巖寺未幾入寂寺塑像祀之既百

年矣一夜假夢僧徒欲還本寺迺迎以歸遂昌人遇水旱昇像出禱願往則輕如一羽不即數夫莫致也

本州大中德隆海印禪師上堂法無異法道無別道時時逢見釋迦處處撞著達磨放步即交眉開口即

齧破本州天宮慎徽禪師上堂八萬四千波羅密門門門長開三千大千微塵諸佛佛佛說法不說有不說無

不說非有非無不說亦有亦無何也離四句絕百非

相逢舉目少人知昨夜霜風漏消息梅花依舊綴寒枝

本州衡山惟禮禪師上堂若論此事直下難明三賢罔測十聖不知到這裏須高提祖令橫按鎊錫佛尚不存纖塵何立直教須彌粉碎大海焦枯

本州妙峯如璨禪師上堂今朝是如來降生之節天下緇流莫不以香湯灌沐共報洪恩爲何教中却道如來者無所從來既是無所從來不知降生底是誰試請道看若道得其恩自報若道不得明年四月八還是驀頭澆

本州長慶惠暹文慧禪師僧問離上生之寶刹登延聖之道場如何是不動尊曰孤舟載明月曰忽遇艣掉俱停又作麼生師曰漁人偏愛宿蘆花

本州棲勝繼超禪師上堂拈拄杖良久曰三世諸佛盡在這裏踣跳大眾還會麼過去諸佛說了未來諸佛未說現在諸佛今說敢問諸人作麼生是說底事卓一下曰蘇噓蘇噓

本州晉賢善秀禪師僧問如何是正中偏曰龍吟初夜後虎嘯五更前曰如何是偏中正曰輕烟籠皓月薄霧鎖寒巖曰如何是正中來曰松瘁何曾老花開

滿未萌曰如何是兼中至曰徠啼音莫辨鶴唳響難
明日如何是兼中到曰撥開雲外路脫去月明前
本州地藏守恩禪師上堂衲僧現前三昧釋迦老子
不會住世四十九年說得天花亂墜爭似饑餐渴飲
展脚堂中打睡

金陵保寧寺圓璣禪師上堂廣尋文義鏡裏求形息
念觀空水中捉月單傳心印特地多端德山臨濟枉
用工夫石鞏子湖翻成特地若是保寧總不恁麼但
自隨緣飲啄一切尋常深遁白雲甘爲無學之者敢
問諸人保寧畢竟將何報答四恩三有良久曰愁人
莫向愁人說說向愁人愁殺人

本州興福院康源禪師上堂山僧有一訣尋常不漏
泄今日不囊藏分明爲君說良久曰寒時寒熱時熱
潭州大瀉祖瑋禪師上堂道無定亂法離見知言句
相投都無定義自古龍門無宿客至今鳥道絕行蹤
欲會箇中端的意火裏螞螻吞大蟲

本州寶壽最樂禪師古田人也上堂諸佛不真實說
法度羣生菩薩有智慧見性不分明白雲無心意灑
爲世間雨大地不含情能長諾草木若也會得猶存
知解若也不會墮在無記去此二途如何卽是海濶

難藏月山深分外寒

本州廣慧達杲禪師上堂佛爲無心悟心因有佛迷
佛心清淨處雲外野猿啼

本州越峯粹珪妙覺禪師僧問機關時如何曰

抱甕灌園曰此猶是機關邊事曰須要雨淋頭

本州鼓山體淳禪師上堂繇基弓矢不射田蛙

任氏絲綸要投溟渤發則穿揚破的得則修鯨巨鼈

隻箭旣入重城長竿豈釣淺水而今莫有吞鈎齧鏃

底麼若無山僧卷起絲綸拗折弓箭去也擲拄杖下

座

本州雪峯大智禪師僧問如何是祖師西來意師銜

拂柄示之僧曰此是香巖底和尚又作麼生師便喝

僧大笑師叱曰這野狐精

吉州青原齊禪師二十八辭父兄從雲蓋智禪師出

家執事首座座一日秉拂罷師問曰某聞首座所說

莫曉其義伏望慈悲指示座諄諄誘之使究無著說

這箇法踰兩日有省以偈呈曰說法無如這箇親十

方刹海一微塵若能於此明真理大地何曾見一人

座駭然因語智得度徧扣諸方後至石門深蒙器可

出任青原一紀示寂

潭州上封佛心才禪師上堂達麼未來東土已前人懷媚水之珠箇箇抱荆山之璞可謂壁立千仞及乎二祖禮却三拜之後一一南詢諸友北禮文殊好不丈夫或有一箇半箇不求諸聖不重已靈匹馬單鎗投虛置及不妨慶快平生如今有麼自是不歸歸便得五湖煙景有誰爭

福州玄妙合文明慧禪師僧問如何是道師曰私通車馬僧進一步師曰官不容針

本州雪峯東山慧空禪師上堂俊快底點著便行癡鈍底推挽不動便行則人人歡喜不動則箇箇生嫌山僧而今轉此癡鈍爲俊快去也彈指一下曰敢問諸人所做底是何佛空王佛邪燃燈佛邪釋迦佛邪彌勒佛邪所說底是何法根本法邪無生法邪世間法邪出世間法邪若道得山僧出世事已畢如或未然逢人不得錯舉

蘄州五祖表自禪師僧問如何是祖師西來意曰荆棘林中舞柘枝曰如何是佛曰新生孩子擲金盆元禮首座受業焦山初叅演和尚於白雲言下豁如且曰今日緇素明矣終於四明之瑞巖

普融知藏至五祖入室次祖舉倩女離寬話問之有

契呈偈曰二女合爲一媳婦機輪截斷難回互從來
往返絕縱繇行人莫問來時路

本州鼓山山堂僧珣禪師上堂朔風掃地卷黃葉門
外千峯凜寒色夜半烏龜帶雪飛石女溪邊皺兩眉
大家在這裏且道天寒人寒喝一喝云歸堂去

鎮江府甘露達珠禪師上堂聖賢不分古今惟一可
謂火就燥水流濕鑿井而飲耕田而食大衆東村王
老去不歸紛紛黃葉空狼籍

本州雪峯隆禪師上堂一不成二不是口喫飯鼻出
氣休云北斗藏身說甚南山鼈鼻家財運出任交
勸君莫競錐頭利

本州龜山義初禪師上堂久默斯要不務速說釋迦
老子寐語作麼我今爲汝保任斯事終不虛也大似
壓良爲賤既不恁麼畢竟如何白雲籠嶽頂翠色轉
崔嵬

本州雪峯慧深首座示衆未得入頭應切切入頭已
得須教徹雖然得入本無無莫守無無無間歇
本州玄沙僧昭禪師上堂天上無彌勒地下無彌勒
且道彌勒在甚麼處良久曰夜行莫踏白不是水便
是石

安吉州道場普明慧琳禪師上堂一卽多多卽一毗
盧頂上明如日也無一也無多現成公案沒誦訛拈
起舊來羶拍板明時共唱太平歌

本州雪峯毬堂慧忠禪師上堂終日忙忙那事無妨
作麼生是那事良久曰心不負人面無慚色

慶元府天童慈航了朴禪師上堂觀音巖玲瓏瓏
太白石丁丁東東西園菜蠙似不堪食東谷花發却
無賴紅且道是祖意教意途中受用世諦流布若辨
不出雪峯覆却飯桶若辨得出甘贄禮拜蒸籠

泉州教忠晦庵彌光禪師出嶺謁圓悟禪師於雲居
次叅黃檗祥高庵悟機語皆契以淮楚盜起歸謁佛
心會大慧寓廣因往從之久承教旨旣大朗悟慧過
鼓告衆曰龜毛拈得笑哈哈一擊萬重關鑰開慶快
平生在今日孰云千里賺吾來師亦以頌呈之曰一
撥當機怒雷吼驚起須彌藏北斗洪波浩渺浪滔天
拈得鼻孔失却口

本州西禪懶庵鼎需禪師上堂句中意意中句須彌
聳于巨川句刻意意刻句烈士發乎狂矢任待牙如
劍樹口似血盆徒逞詞鋒虛張意氣所以淨名杜口
早涉繁詞摩竭掩關已揚家醜

本州東禪家庵思岳禪師上堂達磨來時此土皆知
梵語及乎去後西天悉會唐言若論直指人心見性
成佛大似羚羊挂角獵犬尋蹤一意乖疎萬言無用
可謂來時他笑我不知去後我笑他唐言梵語親分
付自古齋僧怕夜茶

本州西禪此庵守淨禪師上堂若也單明自巳不悟
目前此人有眼無足若也祇悟目前不明自巳此人
有足無眼宜得眼足相資如車二輪如鳥二翼又云
善鬪者不顧其首善戰者必獲其功其功既獲坐致
太平太平既致高枕無憂罷拈三尺劍休弄一張弓
歸馬華山陽放牛桃林野風以時而雨以時漁父歌
而樵人舞雖然如是堯舜之君猶有化在爭似乾坤
收不得堯舜不知名渾家不管興亾事偏愛和雲占
洞庭

本州玉泉曇懿禪師久依圓悟自謂不疑紹興初出
住興化祥雲法席頗盛大慧入閩知其所見未諦致
書令來師遲遲慧小叅且痛斥仍榜告四衆師不得
已破夏謁之慧鞠其所證旣而曰如此見解敢嗣圓
悟老人耶居亾何語之曰香嚴悟處不在擊竹邊俱
抵得處不在指頭上懿遂頓明後住玉泉爲慧拈香

繼省慧小溪慧陞座舉雲門一日拈拄杖示衆曰凡夫實謂之有二乘折謂之無緣覺謂之幻有菩薩當體卽空衲僧見拄杖子但喚作拄杖子行但行坐但坐總不得動著慧曰我不似雲門老人懸虛空剎窟籠驀拈拄杖曰拄杖子不屬有不屬無不屬幻不屬空卓一下曰凡夫二乘緣覺菩薩盡向這裏各隨根性悉得受用惟於衲僧分上爲害爲冤要行不得行要坐不得坐進一步則被拄杖子迷却路頭退一步則被拄杖子穿却鼻孔卽今莫有不甘底麼試出來與拄杖子相見如無來年更有新條在惱亂春風卒未休正恁麼時合作麼生下任煩玉泉爲衆拈出師登座叙謝畢遂舉前話曰適來堂頭和尚恁麼批判太似困魚止灤病鳥棲蘆若是玉泉則不然拈拄杖曰拄杖子能有能無能幻能空凡夫二乘緣覺菩薩卓一下曰向這裏百雜碎惟於衲僧分上如龍得水似虎靠山便行便行要坐便坐進一步則乾坤震動退一步則草偃風行且道不進不退一句作麼生道良久曰閑持經卷倚松立笑問客從何處來本州清涼坦禪師有僧舉夫慧竹篋話請益師示以偈曰徑山有箇竹篋直下別無道理佛殿厨庫三門

穿過衲僧眼耳

慶元府育王大圓遵璞禪師幼同玉泉懿問道圓悟
數載後還里佐懿於莆中祥雲紹興甲寅大慧居洋
嶼師往訊之入室次問答慧欣然許之

常州宜興保安復庵可封禪師上堂天寬地大風清
月白此是海宇清平底時節衲僧家等閑問著十箇
有五隻知有祇如夜半華嚴池子却楊子江開明橋
撞倒平山塔是汝諸人還知麼若也知去試向非非
想天道將一句來其或未知擲下拂子曰須是山僧
拂子始得

溫州鴈山能仁枯木祖元禪師上堂鴈山枯木實頭
禪不在尖新話句邊背手忽然摸得著長鯨吞月浪

滔天

通州狼山蘿庵慧溫禪師上堂釋迦老子四十九年
坐籌帷幄彌勒大士九十一劫帶水拖泥凡情聖量
不能剗除理照覺知猶存露布佛意佛意如將魚目
作明珠大乘小乘似認橘皮爲猛火諸人須是豁開
罽襟寶藏運出自已家珍向十字街頭普施貧乏衆
中忽有箇靈利漢出來道美食不中飽人喫山僧只
向他道幽州猶自可最苦是新羅

慶元府天童密庵咸傑禪師自幼穎悟出家爲僧不
憚遊行遍叅知識後謁應庵於衢之明果庵孤硬難
入屢遭呵一日庵問如何是正法眼師遽答曰破沙
盆庵頷之未幾辭回省親庵送以偈曰大徹投機句
當陽廓頂門相從今四載徵詰洞無痕雖未付鉢袋
氣宇吞乾坤却把正法眼喚作破沙盆此行將省覲
切忌便踪跟吾有末後句待歸要汝遵出世衢之烏
巨次遷祥符蔣山華藏未幾詔住徑山靈隱晚居太
白

本州鼓山木庵安永禪師上堂要明箇事須是具擊
石火閃電光底手段方能嶮峻巖頭全身放捨白雲
深處得大安居如其覷地覓金針直下腦門須迸裂
到這裏假饒見機而變不犯鋒鏑全身獨脫猶涉泥
水

本州天王志清禪師上堂監起拂子云只這箇天不
能蓋地不能載徧界徧空成團成塊到這裏三世諸
佛向甚麼處摸索六代祖師向甚麼處提持天下衲
僧向甚麼處名邈除非自得自證便迺敲唱雙行雖
然如是未是衲僧行履處作麼生是衲僧行履處是
非海裏橫身入豺虎叢中縱步行

本州鼓山宗逮禪師上堂世尊道應如是知如是見如是信解不生法相遂喝曰玉本無瑕却有瑕

本州乾元宗穎禪師上堂卓拄杖曰性燥漢祇在一槌靠拄杖曰靈利人不勞再舉而今莫有靈利底麼良久曰比擬張麟兔亦不遇

南書記者久依應庵於趙州徇子無佛性話豁然契悟有偈曰徇子無佛性羅睺星入命不是打殺人被人打殺定庵見喜其脫畧紹興末終於歸宗

本州西禪寺行者妙心母患瘋疾累年不能步履受本寺差監作碓坊嘗用紙糊一毬實以紙錢焚香告

天曰妙心母老而苦瘋疾聞世人取肝割股以行孝者今願破腦出髓救母餘年望三界賜祐妙心今貯火毬內若使紙錢成灰而外毬不損當卽償答已而果然遂對空再拜以左手持斧置顙門右手執木椎擊之應手頭裂暈倒在地不自知忽有神人呼之曰汝適禱何事迺不起耶始甦捫其頂則髓已出如鴨卵大殊不痛楚漫覆以藥急走歸母云吾兒將何藥來吾已聞馨香矣對曰昨遇道人與我此藥令煮粥和服粥成一室皆香母一啜而盡便覺手足輕快呼曰試扶我行比下牀若無疾者母子俱喜妙心還碓

坊掌事者欲糾其夜出廼以實告監寺僧驗之不誣具白長老達于州時王與道尚書作牧賜錢五十千絹二十疋以為孝養之勸士夫多作詩贊詠紹興三十年九月也

皇朝

文謙 正淳 獨芳 洽 惠顛 照中

法闡 至剛 古鑑 明秀 無可

文謙十一出家遊吳楚歷金陵諸山住台之鴻福寺振揚宗教洪武初召至京師言論稱旨居久之忽謂其徒曰吾將去矣援筆書偈云有世可辭是眾生見無世可辭是如來見踏倒須彌盧空虛無輩面遂端坐而化

正淳字古心閩縣人洪武中詩僧詠苔青如蝨血染頽垣漢寢唐陵幾斷竟莫笑貧家春寂寞漸隨積雨上青門

獨芳閩縣人洪武中鼓山白雲寺詩僧神光寺洽上人精通內外典戒行高峻一時林鴻諸公俱與為方外之游

惠顛閩縣人洪武中鼓山寺詩僧

松溪照中禪師連江繆氏子出就建寧光孝寺可庭

禪師學佛未幾得度道資天成不斷而器

法闡閩縣人鄧定之兄永樂中鼓山白雲寺詩僧

至剛閩縣人永樂中鼓山湧泉寺詩僧

古鑑閩縣人成化中鼓山湧泉寺詩僧

明秀候官人嘉靖中鐘山寺詩僧有哭鄭善夫詩少

谷高人無日起百年清淚幾時收嗚呼滄海談詩夜

翻作延陵掛劍秋

無可詩僧也有虹收千嶂雨湖展半江天之句世人

誦之

閩書卷之一百三十七

方外志

泉州府

唐

匡護 常岌 全歲 懷祐 景欣 弘則

叔端 道昭 瓦棺寺和尚

匡護大師泉州開元寺世祖也姓王氏律行良謹夏
講上生經輒致千人門徒甚廣

本州開元寺常岌禪師九坐智廣之法昆鹽官無等
之門人清儉中食足不妄履雖比隣不一至周朴吳

問書
卷之二十七
一
二百九二
栻咸與之游

鄂州巖頭全叡禪師少禮青原誼公落髮往長安寶壽寺稟戒習經律諸部優游禪苑與雪峯欽山爲友嘗謂衆曰老漢去時當大吼一聲光啓之後中原盜起衆皆避地師端居晏如一日賊大至責無供饋遂俾刃焉師神色自若大叫而終聲聞數里卽光啓三年丁未四月八日也門人焚之獲舍利四十九粒廬山棲賢懷祐禪師僧問如何是祖師西來意師曰井底寒蟾天中明月

台州湧泉景欣禪師上堂我四十九年在這裏尚自有時走作汝等諸人莫開大口見解人多行解人萬中無一見解言語總要知通若識不盡敢道輪回去在爲何如此蓋爲識漏未盡汝但盡却今時始得成立亦喚作立中功轉功就他去亦喚作就中功親他去我所以道親人不得度渠不度親人

本州開元寺弘則禪師林性簡素不求羸餘稍食亡有雖王公予膏腴却不納刺史王延彬贈句有莫怪我來偏禮足蕭宮無个似吾師之語

本州開元寺叔端禪師俗氏陳咸通初出錢塘道常鴻受學通維摩俱舍遂如蘇臺傳因明契宗卒業去

習惟識洛陽義旼所得之教洞達真源後製義苑搜
隱宗鏡四緣諸抄數十卷以黃巢亂歸隱鄉山生不
知酒州牧延彬問云恙端曰老苦難寐耳延彬遺之
酒而漫之曰藥曰服之寢矣端服果寐也

泉州開元羅漢閣道昭禪師姓王氏從叔端懷倣連
學上生惟識悉臻其奧有僧清信者將禮文殊五臺
道逢老人問何之信具為言曰嘻五頂遼賈跋涉良
苦泉之開元羅漢閣欽惟識論者文殊子也何不即
求而遠為也信如教請昭一見而拜昭曰固有眾也
而何拜我信具言故昭曰我文殊耶信去昭曰此吾
土地易言耳棄其象于外夜深人聞若有號訴者曰
我羅漢閣土地也和尚擯我君幸哀存明求之得棄
象為叢祠隘街尸祝之昭所抄惟識論解真書八十
卷有魏晉筆法

瓦棺寺和尚初為游山侍者後叅雪峯有契

五代

雲頂 朝悞 從允 法輝 行通 行脩

棲霞 懷岳 弘瑫 知玲 魏通 義英

師郁 紹卿 行瑫 東禪和尚 清稟 清運

睡龍山和尚 從琛 行欽 玄應 宗顯

行言 法騫 後昭慶和尚 琛 疆

福州東山雲頂禪師上堂儒門畫八卦造契書不救六道輪迴道門朝九皇鍊真氣不達三祇劫數我釋迦世尊洞三祇劫數救六道輪迴以大願攝人天如風輪持日月以大智破生滅若劫火焚秋毫入得我門者自然轉變天地幽察鬼神使須彌鐵圍大地大海入一毛孔中一切衆生不覺不知我說此法門如虛空俱含萬象一爲無量無量爲一若人得一卽萬事畢

本州開元寺朝悞大師至自西域以名語人人稱木頭蛇以其神於燈人又名之挑燈道者凡暮夜明燈知殿事者必告之則其光達曙不則不爾

本州開元寺九佛從允禪師清慎寡欲夜誦晝習後唐長興三年省詢禪師游閩允叅謁一言而契詢竒之自爾誼靜一致心境同如閩通文二年五月取筆寫伽陀告寂火浴舍利有數百顆

本州開元寺法輝禪師禪餘頗以詩自娛與呂縉叔石聲叔陳原道釋居億居全爲同社嘗題憲師壁曰遠浸谿光碧寒生松檜陰漁舟驚暮雨高吹入秋林此境長年在吾師靜隱心

本州開元寺行通禪師一食三衣恬能苦澹博洽經論教觀無懈州刺史陳洪進以旱請雨通期三日果如言洪進奏賜命服名法慧大師

杭州西湖南山法相院僧行脩陳氏子生而異香滿室長耳垂肩迨七歲猶不言或曰瘖耶忽應聲曰不遇作家徒撞破煙樓耳長游方外至金陵瓦棺寺祝髮受具叅雪峯義存後梁開平間至四明山中獨棲松下說法天花紛雨又跌坐龍尾巖結茅爲蓋百鳥啣花飛繞經歲爲常後唐同光二年至杭之法相依石爲室禪定其中乏水給飲卓錫巖際清泉迸出錢越王以誕辰飯僧永明禪師告王曰長耳和尚定光佛應身也王趣駕叅禮師默然但云永明饒舌少頃跏趺而化久之益膚革津澤爪髮復長月必三淨寺僧恐其久而毀也乃以髮塗骸體宋咸寧三年賜號慧大師

本州開元寺棲霞禪師與世無競以道自高有斗升儲召之齋則辭曰受別請有包笠至者宿其庵中顧其寒色滿屋解包出鍛金予之霞置諸床下去七年復來予霞笑曰卿惠尚存出視封塵厚矣包笠歎曰如此道人誰能垢之俛取舊物去

漳州報恩院懷岳禪師僧問十二時中如何行履師
曰動卽死曰不動時如何師曰猶是守古塚鬼問如
何是學人出身處師曰有何纏縛曰爭柰出身不得
何師曰過在阿誰

福州安國院弘瑫明真禪師陳氏子僧問凡有言句
皆落因緣方便不落因緣方便事如何師曰枯槁之
士頻逢抱甕之流罕遇問如何是高尚底人師曰河
濱無洗耳之叟磻谿絕垂釣之人問十二時中如何
救得生歿師曰執鉢不須窺衆樂履水何得步差

本州開元寺律泗州知瑤師王氏子事觀音甚謹預
知休咎知軍州事王延彬問寺近何祥曰寺西地湧
者數十尺一二年矣莫省謂何未期月閩王審知來
造七級木塔于此延彬嘉嘆初瑤因感痞疾塑觀音
禱于堂日誦其名萬其品百一夕夢人嚙以丸藥旣
覺得遺丸床蓐間痞疾遂愈

本州福清院師魏通玄禪師僧問如何是西來的的
意師曰立雪未爲勞斷臂方爲的曰恁麼則一華開
一葉芬芳直至今師曰因圓三界外果滿十方知

本州開元寺義英禪師陳氏子厲精佛書浹洽空妙
閩王審知造金銀二藏經聞英善筆札致之繕寫厚

資之不得辭以買田歸粥院爲千人結夏鹹粥疏詞
略曰天邊之無兔無鳥斯緣方泯世上之有僧有佛
此會長新學者坊誦而就司南無虛日云

杭州西興化度院師郁悟真禪師僧問如何是隨色
摩尼珠師曰青黃赤白曰如何是不隨色摩尼珠曰
青黃赤白問維摩與文殊對談何事師曰惟有門前
鏡湖水清風不改舊時波

漳州隆壽紹卿興法禪師侍雪峯山行見芋葉動峯
指動葉示之師曰紹卿甚生怕怖峯曰是汝家物曷
生怕怖師便有省尋居龍谿示法僧徒

福州仙宗院行瑫仁慧禪師僧問如何是西來意師
曰白日無閑人

本州東禪和尚僧問如何是佛法大意曰幸自可憐
生剛要異鄉邑

瑞州洞山清稟禪師叅雲門印悟金陵主請居光睦
未幾命入澄心堂集諸方語要經十稔迎任洞山

本州萬安院清運資化禪師僧問如何是萬安家風
曰苔羹倉米飯曰忽來上客將何祗待曰飯後三巡
茶

本州睡龍山和尚上堂舉拄杖曰三十年住山得他

氣力時有僧問和尚得甚氣力曰過谿過嶺東在西北
在

本州鳳凰山從琛洪忍禪師僧問學人根思遲回方
便門中乞師傍瞥琛曰傍瞥曰深領師旨安敢言乎
琛曰太多也

本州福清行欽廣法禪師僧問如何是佛法大意師
曰諸上座大家道取

漳州報劬院玄應定慧禪師僧問如何是第一義師
曰如何是第一義學人請益師何倒問學人曰汝適
來何請曰第一義曰尚謂倒問耶

本州報恩院宗顯明慧禪師僧問昔日靈山一會迦
葉親聞未審今日誰是聞者師曰却憶七葉巖中

金陵報慈行言玄覺導師江南國主建報慈院命師
大闡宗猷海會二千餘衆別署導師之號上堂此日
英賢共會海衆同臻諒惟佛法之趣無不備矣若是
英鑒之者不須待言也然言之本無何以默矣是以
森羅萬象諸佛洪源顯明則海印光澄冥昧則情迷
自惑苟非通心上下逸格高人則何以於諸塵中發
揚妙極卷舒物象縱奪森羅示生非生應滅非滅生
滅洞已乃曰真常言假則影散千途論真則一空絕

跡豈可以有無生滅而計之者哉

隆壽法騫禪師有僧來叅次日請問心要師曰昨日相逢序起居今朝相見事還如如何却覓呈心要心要如何特地踈

本州後招慶和尚僧問如何是和尚家風師曰一甕兼一鉢到處出生涯問如何是佛法大意師曰擾擾忽忽晨雞暮鐘

本州西明院琛禪師僧問如何是和尚家風師曰竹箸瓦椀曰忽遇上客來時如何祇待師曰黃壘倉米飯

本州鳳凰山羅禪師僧問白浪滔天境何人住太虛師曰靜夜思堯鼓回頭聞舜琴

宋

谷泉 自然 有評 從顯 法周 景彬

元璉 宗已 法殊 宗永 壽長 契稠

本觀 至聰 清錫 戒環 律 昭慶

永程 守卓 有朋 守仁 繼松 粥主

因 普吉 文淑 敦照 法瑄 太初

宗達 令岑 傳宗 仁岳 德懷 洞淵

祖派 石 講 捷 雲 圓慧

了璨 慈覺 叟 雪徑

文照

尼

無着

尼

南嶽芭蕉庵大道谷泉禪師受法汾陽放蕩湖湘後
省同叅慈明禪師慈明遷住福嚴師又往省之少留
而還作偈寄之曰相別而今又半年不知誰共對談
禪一般秀色湘山裏汝自匡徒我自眠

本州開元寺自然禪師僧問老胡出世日顧四方和
上出世如何表示然云清氣爲天濁氣爲地曰恁麼
則信手拈來然云有甚交涉

本州棲隱有評禪師越天衣義懷之嗣僧問如何是
平常道曰和上合掌道士擎拳問如何是無位真人
曰無面日

洪州觀音院從顯禪師上堂衆集良久曰文殊深讚
居士未審居士受讚也無若受讚何處有居士邪若
不受讚文殊不可虛發言也大衆作麼生會若會真
個衲僧僧問居士默然文殊深讚此意如何師曰汝
問我答曰忽遇恁麼人出頭來又作麼生師曰行到
水窮處坐看雲起時

開元寺法周禪師同安王氏子宋初三應詔講淨名
法華稜嚴稱旨賜章服師號咸平初太守宿翰尊禮

之翰一日相引行殿墀見其下數莖草指問曰古語道紫雲蓋地凡草不生今何却有周應聲曰地因培客土凡草有時生

本州開元寺僧景彬善為瑜伽梵人目曰僧瑜伽束已勤甚寢而安陀會不去身凡筆道場疏必薰盥而楷畫端謹為之其六波羅蜜詠熾盛諸星贊香水偈傳瑜伽學者


汝州廣慧院元璉禪師楊億侍郎問天上無彌勒地下無彌勒未審在何處師曰敲甄打瓦

本州開元寺宗已禪師智辯過人理教俱邃最為守湯夏蔡襄口口縉叔劉忠順所知夏貽詩有淨瓶常帶水破衲任生塵之句忠順貽詩展榻殊無地看山別有門潮來供菜圃雲過隔城村

泉州開元寺法殊禪師晉江柳氏於內外學研覈原本從宗已受佛頂金剛說復即法凝學四分悉通其義講輒合數十百人

本州開元寺宗永禪師從宗已教授善講四部經聽者雲集

本州開元寺僧壽長字道融風度凝遠行粹識彊呂縉叔蔡若水陳嘉謨皆與游丁守竦蔡守襄並禮重



焉

撫州崇壽院契稠禪師僧問如何是佛師曰如何是佛曰如何領解師曰領解卽不是

本州開元寺本觀禪師去謁法超道者超豎拳曰一塵纔舉大地全收全古人豎指便有悟入汝今何爲觀禮拜超曰汝何見道便拜觀曰一塵纔舉大地

本州開元寺至聰禪師說經妙乎空有入滅舍利迸棺而出

南康軍雲居山清錫禪師僧問如何是佛師曰容顏甚奇妙

本州開元寺戒環禪師開元千佛有某王者業誦蓮華經一鴿日至其前榮若聽之者一日不至王怪之夜夢告曰我鴿也得師經力轉身爲人矣生某氏而掖有白毛可識能一視我乎王求視果然戒環也空寂自願深造道妙嘗病華楞嚴舊釋詞義淵渺作二經要解又論般若楞嚴法華三經前後曰般若之後慧學方盛定力未全故首以楞之大定使定慧合一則是先藉般若發明次繇楞嚴脩證終繇法華印可序固如是柰何耘耨於穫拾之際敷華於廢落之餘乎

本州開元寺本宗律師胡員外靖季父也宗律業成
學者南鄉又其詩名獨步天聖間

高郵醴泉寺昭慶禪師晉江林氏少跣跣任氣爲賈
客往來閩粵山東海道資用甚饒皇祐中祀明堂恩
度天下僧師爲兒時父母嘗許爲僧名隸漳州開元
寺籍至是輒謝同賈以財物屬同產使養其親徒手
入寺毀鬚髮受具戒居無何出遍參知識至禾山楚
才禪師會中因看風幡話忽然有悟以爲道妙盡此
矣及見黃龍惠南禪師示以佛手驪脚因緣輒漫不
省因服役左右數年不去始盡得黃龍之道熙寧中

遊淮南往來廣陵天長高郵間二邑之人見師如舊
識莫不靡然心服師所得法廣大微妙又學術無不
通達爲人說法或以經論或以老莊或以上筮或以
方藥下至種種一切俗諦之事隨其根器示之大方
不獨守古人言句與孫覺秦觀僧道潛相善觀爲作
塔銘

泉州南峯永程禪師示衆始自雞峯續焰少室流芳
大布慈雲宏開慧日教分三藏直指一心或全提而
捧喝齊施或縱奪而賓主互設或金剛按劍或獅子
翻身或照用雷奔或機鋒電掣無非剷除邪妄開廓

玄微直下明宗到真寔地諸仁者到此方許一線道
與爾商量苟或未然盡是依師作解無有是處

東京天寧長靈守卓禪師上堂釋迦掩室過犯彌天
毗耶杜詞自救不了如何如何口門太小宣和五年
臘七示寂闍維日皇帝遣中使賜香持金盤求舍利
爇香罷盤中鏗然視之五色者數顆其大如豆使者
持還上見大悅

本州開元寺有朋禪師心宗爲根名相爲葉宣和六
年甲辰九月忽筆偈曰張公喫酒李公醉歸去來兮
何所泥打破虛空笑一場金剛脚柱帝釋鼻跏趺乾
去守鄭南送其闍維舍利如雨壽九十二而臘七十
有二也兩會語驚世頌禪餘咏行世

漳州羅漢院守仁禪師僧衆晚叅師曰物物本來無
處所一輪明月印心池

本州開元寺繼松禪師清脩自勗未嘗惰游夏則取
水以飲行暍歿數年人見其笠蒲葵擔水市中

本州開元寺粥主亡名氏主千僧粥者也誦法華律
最嚴有官人來輒取其盛粥噐去以受摧秣主厭護
神象磨下責以守不力夜行道次神見粥主祈請主
曰爾護謂何尚請耶神謝曰必歸噐黎明廝養果歸

器且日夜斃二馬矣神請如前王笑曰爾罪未追尚有何功神乃乞自効僧庖中鼠雀無犯者王位神如故今祠日訶責王

本州雲臺因禪師上堂菩薩子不在內不在外不在中間且道何處良久曰南瞻部洲北鬱單越

本州開元寺文淑禪師嘉意講解恪勤課誦嘗失其所常持數珠心殊念之俄有鳥羣噪生臺起視之珠在其上

本州開元寺敦照禪師嘗正僧筓內其徒萬人照嚴毘尼以身範物匡衆之暇覽南山圖經因太息以寺之戒壇制度猶陋不盡師古與其徒作新之既成恐來者誕之也使崇灌者序表法刻之石其畧曰按圖經壇五級者五分法身也位北向南者生善滅惡也第一級高一肘者制心一處也第二級一肘半法輪王壇量者紹法王位也第三級高二指者真俗二諦也畧方七尺者七覺意也下二級闊陜隨宜不表法也四階道者便陟降也中尊象者佛在臨其上也上三珠中天建壇釋梵所獻者戒珠瑩也佛後四位一樓至二豆田邪三馬蘭邪西土請立壇主四南山師此方弘律祖也東西相望十坐者十師位也下級十

金剛者不壞也四圍神象者護久住也下列龕穴者
准灌頂經護三歸各十二神合三十六護五戒各五
神合廿五有六十一龕也上級四王環十六神者並
以本願在處護法也龕列廿八宿出沒照臨同護也
欄柱金翅啖龍者制除業惑也欄柱下多獅子者出
家稟具魔外無敢犯如彼威伏百獸也內有九龍擎
珠効祇園鐘臺下龍水沐者灌頂相也中置法界輪
者以法界境界開悟受者萬法惟心無始倒迷翻惡
成善也爲屋而塗繪者俾登之上敬也

本州開元寺釋法瑄紹熙五年朱守侗延之主尊勝
有行解

本州開元寺太初禪師字子愚世儒者棄而選佛于
開元尊勝專嚴律行南劔守陳宓致主報恩亡何真
文忠公延之大瀉匡衆二十年至千人初以純實接
學者會儒釋大同爲門使入終則示本法之圓極以
爲室使宿而不去嘗出孟子夜氣章以受學者名牛
山經

本州開元寺宗達禪師字無外有詩聲與郡人王顯
世趙彥慧韓雲瑞翁定及釋太初同社

本州雲臺山令岑禪師僧問如何是雲臺境師曰前

山後山如何是境中人師曰瞌睡漢

本州承天傳宗禪師僧問如何是般若體師曰雲籠碧嶠如何是般若用師曰月在清池

廬州興化仁岳禪師僧問如何是和尚家風師曰曲
象禪牀曰客來如何祇侍師曰拄杖子問一大藏教
盡是名言離此名言如何指示師曰癩馬揩枯柳曰
學人不會師曰駱駝好喫鹽曰畢竟如何師曰鐵鞭
指處馬空嘶

本州承天德懷禪師開化說法度人甚衆

本州涼峯洞淵禪師僧問佛與道相去幾何曰龜毛
長二丈兎角長八尺

本州承天寺祖派慈惠禪師述南北華嚴懺文極詣
精妙至今行世

本州承天寺珍藏石禪師有金剛經註

本州尊勝有朋講師卅歲試經中選下髮多歷教肆
嘗疏楞嚴維摩等經學者宗之

本州資壽院捷師僧問如何是佛法大意師曰鐵牛
生石卵曰如何是接人句師曰三門前合掌曰如何
是大用句師曰腦門着地曰如何是無事句師曰橫
眠大道曰如何是奇特句師曰的

本州慧明雲禪師僧問般若海中如何為人師曰雲
開銀漢迥曰畢竟如何曰棒頭見血問毗婆尸佛早
留心直至如今不得妙意旨如何曰醜拙不堪當

本州乾峯圓慧禪師上堂達磨正宗衲僧巴鼻堪嗟
迷者成羣開眼瞋睡頭上是天脚下是地耳朶聞聲
鼻孔出氣敢問雲堂之徒時中甚處安置還見麼可
憐雙林傳大士却言祇這語聲是咄

漳州淨衆佛直了燦禪師上堂重陽九日菊花新一
句明明亘古今楊廣索馳無覓處夜來足跡在松陰

衢州光孝普印慈覺禪師泉州許氏子問僧父母未
生已前在甚麼處行履僧擬對即打出或曰達磨在

你脚下僧擬看亦打出或曰道道僧擬開口復打出

本氏承天寺叟禪師道行高潔作放生池寺中大旱
不涸

本州承天寺雪徑淨明禪師奉詔至京說法稱旨有
金襴袈裟御扇之賜

尼附

平江府妙湛寺尼文照禪師上堂靈源不動妙體何
依歷歷孤明是誰光彩若道真如實際大似好肉剗
瘡更作祖意商量正是迷頭認影

平江府資壽尼無着妙總禪師丞相蘇頌孫女年三十許厭世浮休脫去緣飾咨叅諸老已入正信作夏徑山大慧陞堂舉藥山初叅石頭後見馬祖因緣師聞豁然省悟於是聲聞四方隆興改元舍人張孝祥來守是郡以資壽挽開法入院上堂宗乘一唱三藏絕詮祖令當行十方坐斷二乘聞之怖走十地到此猶疑若是俊流未言而諭設使用移星換斗底手段施攙旗奪鼓底機關猶是空拳豈有實義向上一路千聖不傳學者勞形如猿捉影靈山付囑俯徇時機演唱三乘各隨根器始於鹿野苑轉四諦法輪度百千萬衆山僧今日與此界地方乃佛乃祖山河大地草木叢林現前四衆各轉大法輪交光相羅如寶絲網若一草一木不轉法輪則不得名爲轉大法輪所以道於一毫端現寶王刹坐微塵裏轉大法輪乘時於其中間作無量無邊廣大佛事周遍法界一爲無量無量爲一小中現大大中現小不動步游彌勒樓閣不返聞入觀音普門情與無情往相平等不是神通妙用亦非法爾如然於此個儻分明皇恩佛恩一時報足且道如何是報恩一句天高羣象正海濶百川朝

元

契祖 有杰 大圭 如熙 崇會 祥上人
用平

本州開元寺契祖禪師同安張氏子妙恩禪師王開元名僧也以西禪淨淑請致祖為堂中上坐至敬愛之祖嘗疾恩餽資不受偈曰政坐虛消人信施生身受此鐵圍殃鎔銅熱鐵都吞了那更教人入鑊湯恩益愛其為人後使嗣位代行其道祖善說法語渾然天成真首坐有能頌聲藜林間以上隱頌要祖作祖曰自斷胸中更沒疑行藏那許鬼神知直饒天下藏天下未是羚羊掛角時真歎眼湖江往往傳焉

有杰道者頗清狂出言無度恒掃除街市所至童稚羣譁之杰於尊養之者終必以褻語絕其人一日澣所垢衣曰明日行矣至明日求僧粥不予杰請曰求之不再幸予我還置粥于几危坐而化祖為闍維曰一生杰斗打硬叅禪街頭巷尾掣風掣顛若無末上一解不直一半文錢杰道者誰信寒灰有煖烟釋大圭姓廖字恒白晉江人博極儒書兼精內典常曰不讀東魯論不知西來意自號夢觀有夢觀集及紫雲開士傳嘗作窮箴曰家無其養君子不窮德不

有諸已其窮也恥彼何人斯饑乎陳之都其善自謀
即衆人不如

如熙血書華嚴楞嚴法華三經以精進聞

崇會蒞衆嚴喜興構

祥上人號麟叟受業禪大圭為人修靖喜究內典若

蓮經數萬言之廣誦之如流又善書得歐陽率更法

本州東禪寺用平禪師與釋大圭善其沒也大圭祭

之文曰公以碩朴謙而彌尊遇人以德亦莫不親春

風無言勾萌津津厥行孔淑維道之醇人徒知之謂

鳴以文公推緒餘麟黻其身四方問竒繭足造門公

志堅高却掃深雲室曰寒趣執惟松筠

皇朝

原輔 清源 本原 道超 真空 靜 正森

本州承天寺仁山原輔邑邵家子戒行精專道學著

聞洪武初授本寺僧綱書講夜誦示誨僧俗

南京天界寺清源上人洪武間歸省泉州宋學士濂

送之文稱其歷抵大方期於深詣雖嘗絕學不廢明

倫契經最神之訓如來孝親之戒服行不悖

僧本源不邇腥葷誦經通奧嘗遊漳浦坐道旁大石

上夜輒放毫光人異之爲構靈嶺巖居焉永樂中勅

召至京譚論稱旨屢受獎賞

釋道超安平人能詩有雲外語錄

真空禪師六歲出家既長遊關洛間歷終南衡岳遇師授解悟嘉靖己未入羅浮山永福寺寄食一僧爲之紉針裏衲或時趺坐彌日人莫知也壁間偈語微露禪機時歸善葉尚書夢熊讀書寺中叩其不繇文字大加敬禮而真空亦知夢熊非常人間示神通令自識念顯晦休咎且曰數十年來當驗後至五年止宿訶林道力大著遂廣爲衆僧說法頂禮者千餘人徙止觀音山一日醮集令弟子置木龕曰將歸矣衆驚異爭執卷請偈龕成辭衆入坐而夢熊適來復出龕辭畢遂入閉龕弟子環禪誦夜半三昧火自龕中出遂化

靈源紫雲室靜上人通禪與王慎中游

一如和尚詹司寇仰庇爲作傳一如和尚者晉江後洋楊氏子法名正森又自名定心住本郡法石泰嘉寺獅頭巖樂山寺清源南臺室承天寺漳天柱巖所至躬勤作務藝圃自活不畜徒屬一鉢一衲久輒徙去曰身非吾有又何爲之望礙年八十餘一日爲人畫梅遽然坐化

建寧府

唐

慧海 慈濟戒定 約

越州大珠慧海禪師初參馬祖於言下自識本心不
繇智覺踴躍禮謝晦迹裁用外示癡訥自撰頓悟入
道要門論一卷

慈濟戒定二禪師脩道建陽縣之福先教寺苦行三
十餘年坐化寺中一俛一仰骨蛇猶存
建州白雲約禪師僧問不坐偏空堂不居無學位此
人合向甚麼處安置師曰青天無電影

五代

令弇

建州白雲令弇禪師學徒問三台有請四眾臨筵既
處當仁請師一唱弇曰夜靜水寒魚不食滿船空載
月明歸

宋

可勳 餘 旺 法昌 慧素 慧崇

元素 宗元 慧升 吳十三 慧光

圓悟 嗣公 顯智 覺庵尼

宣州興福院可勳禪師僧問如何是道曰勤而行之

問何法空師曰不空有偈示衆曰秋江煙島晴鷗鷺
行行立不念觀世音爭知普門入

建州崇梵餘禪師上堂直須向黑豆未生芽時搆取
良久召大衆曰劍去遠矣

本府乾符大同院旺禪師僧問如何是祖師西來意

師曰入市烏龜曰意旨如何師曰得縮頭時且縮頭

福仙寺釋法昌建陽王氏子服勤苦事不拔生草不
剪生柴着破衲以養蠨虱常翻易使之均熙寧辛亥
忽告人曰吾來年五月十八日當去至期果然

本府萬壽慧素禪師紹興二十三年六月朔沐浴趺
坐書偈曰昨夜風雷忽雨露柱生出兩指天明笑倒
燈籠拄杖依前扶起拂子踣跳過流沙奪轉胡僧一
隻履儼然而逝

建陽僧慧崇工畫鷺爲鷺鴛尤工小景善爲寒汀遠
渚瀟灑虛空之象

福州普賢元素禪師上堂兵隨印轉三千里外絕煙
塵將逐符行二六時中淨裸裸不用鐵旗鐵鼓自然
草屨風行何須七縱七擒直得無思不服所謂大丈夫
秉慧劍般若鋒兮金剛焰非但能摧外道心早曾
落却天魔膽

竹原宗元庵主本郡連氏子久依大慧分座西禪承相張浚帥三山以數院迎之不就歸舊里結茆號衆妙園宿衲士夫交請開法示衆曰若究此事如失却鑰匙相似祇管尋來尋去忽然撞着開個鑰了便見自家庫藏一切受用無不具足不假他求又曰諸方爲人抽釘拔楔解黏去縛我這裏爲人添釘着楔加繩加縛了送向深潭裏待他自去理會

泉州延福寒巖慧升禪師上堂盡十方世界會十世古今都盧在裏許畷畷塞塞了也若乃放開一針鋒許則大海西流巨嶽倒卓龜鼉魚龍鱗鯢虬盡向平地上湧出波瀾游泳鼓舞然雖如是更須向百尺竿頭自進一步則步步踏轉無盡藏輪方知道鼻孔搭在上唇眉毛不在眼下

本府仙州山吳十三道人給侍開善紹興庚申三月八日夜適然啓悟占偈呈善曰元來無縫罅觸着便光輝既是千金寶何須彈雀兒善答曰啐地折時真慶快處生凡聖盡平沉仙州山下呵呵笑不負相期宿昔心

信州龜峯晦庵慧光禪師卓拄杖曰一人腦後露腮一人當門無齒更有數人鼻孔沒半邊不勞再勘爾

諸人休向這裏立地瞋睡殊不知家中飯籬鍋子一時失却了也

崇安開善院圓悟和尚法性圓徹學貫儒釋嘗和晦庵梅詩有可憐萬木凋零後屹立風霜慘淡中之句又贊晦庵像云巖巖泰山之聳浩浩海波之平凜乎秋霜澄肅溫其春陽發生立天地之大本極萬物之性情傳先聖之心印爲後人之典刑順寂之日晦庵哭以詩曰一別人間萬事空焚香瀹茗悵相逢不須更話三生石紫翠參天十二峯悟又善畫喜作竹石號枯嶮

嗣公和尚嘗師事胡文定公父淵與文定友善後棄儒就釋住雲居院不復出山文定寄以詩十年南北斷鴻鱗夢想雲居頂上人香飯可能長自飽也應分濟百年身

顯智和尚居永豐院一日升座演說不生不滅之旨復作頌曰四大本空六塵非有一點靈光天長地久擲筆而逝

尼附

覺庵道人建寧游察院姪女志不出適留心祖道於圓悟示衆語下了然悟曰更須颺却所見始得自繇

祖答偈曰露柱抽橫骨虛空弄爪牙直饒玄會得猶是眼中沙

元

道鎮

海珠禪師名道鎮住天心寺口誦金剛經告僧示寂至期香湯沐浴袈裟龍座自號無盡意菩薩偈成而逝

皇朝

東谷和尚

東谷和尚名大震洪武間天心寺僧骨相奇秀清脩苦行年八十餘趺坐化人謂尸解

祖庭和尚

祖庭和尚初事儒聞大界宗泐來復名往師之居東林庵嘗賦詩諷時士云除却淵明賦歸去更無一箇肯休官有語錄行於叢林

延平府

宋

照覺


安分

祖珠

妙道

尼

江州東林興龍寺常總照覺禪師尤溪施氏子久依黃龍密授大法決旨出任泐潭次遷東林皆符識記



楊龜山過廬山與論性謂本然之善不與惡對胡安國亦喜其說蘇東坡作真譜雲堂蔣公僧中之龍本州劔門安分庵主與木庵同肄業安國後依懶庵未有深證辭謁徑山大慧行次江干仰瞻宮闕聞街司喝侍郎來釋然大悟作偈曰幾年箇事掛胸懷問盡諸方眼不開肝膽此時俱裂破一聲江上侍郎來遂徑回西禪懶庵迎之付以伽梨後庵居劔門化被嶺表所作偈頌走手而成凡千餘首盛行於世荆南府公安遜庵祖珠禪師南平人上堂不是心不是佛不是物灑盡野狐涎趨翻山鬼窟平田淺草裏露出焦尾大虫太虛寥廓中放出遼天俊鶻呵呵露風骨等閑拈出衆人前畢竟分明是何物

尼附

溫州淨居尼妙道禪師尚書黃公裳之女開堂拈起拂子曰還見麼若見被見刺所障擊禪牀曰還聞麼若聞被聲塵所惑直饒離見絕聞正是二乘小果跳出一步蓋色騎聲全放全收主賓互換所以道欲知佛性義當觀時節因緣敢問諸人卽今是甚麼時節蕩蕩仁風扶聖化熙熙和氣助昇平

皇朝

無求

釋無求尤溪劉氏子少業儒博涉羣書尋棄為僧遍游名山有詩名

汀州府

唐

水塘和尚

水塘和尚馬祖法嗣也

宋

智夜 系南 無空上人

本州開元智夜禪師長汀蕭氏子上堂寒空落落大地漫漫雲生洞口水出高原把定則十方世界恍然放行則東西南北坦然茫茫宇宙人無數一箇箇鼻孔遼天夜又能詩洪駒父見其所作擊節賞之廬山羅漢院系南禪師上堂禪不禪道不道三寸舌頭胡亂掃昨夜日輪飄桂花今朝月窟主芝草臨寂陞座告衆曰羅漢今日倒騎鐵馬逆上須彌踏破虛空不留朕迹無空上人與逸士謝韶李植友韶病無空往視誠韶子曰有二耗鬼索饌與之即愈既二年空至韶家曰可備喪具韶果得病逝之日沐浴衣冠刻候而去

興化府

唐

耽章 命言 宣壹 無際

撫州曹山耽章本寂禪師莆田黃氏子涅槃之兄也
年十九往福州靈石出家二十五登戒尋謁洞山遂
往曹溪禮祖塔回吉水衆嚮師名請開法師志慕六
祖遂名山爲曹值賊亂乃之宜黃法席大興學者雲
萃洞山之宗至師爲盛

泉州開元寺命言禪師仙遊人苦行習內典出遊燕
趙傳法華上生二經通昔不寐久之二經學者坌集
其門宣宗末年茶毗葬昇北山怪其龕輕開視無有

宣壹令言兄子也少遊學通經能文章去縫掖從令
言爲弟子入嵩山會善寺受具爲大僧還求靈贍教
授四分俱舍涅槃咸究通之乃爲二衆依止檢身以
律中食不渝一室晏如惟清水楊枝而已

無際居金仙院精持蓮花經石忽涌泉因立瑞泉庵

五代

慧球

福州安國院慧球寂照禪師莆田人上堂僧問佛法
大意從何方便頓入師曰入是方便

開書

卷之三十三 方外

三

余四

三百四

宋

其辯 有瑞 戒香 以棲 道旻 伯新

務欽 海瑩 守惠 慶恩 德潛 有南

正洪 宜燦

興化軍西臺其辯禪師上堂舉臨濟無位真人語召
大眾臨濟一擔西臺一堆一擔一堆分付阿誰從教
撒向諸方去笑殺當年老古錐

東京褒親旌德院有瑞佛海禪師興化軍陳氏子上
堂有佛世界以一塵一毛而作佛事令見一法者而
具足一切法故權為架閣有佛化內以忘言寂默為

大佛事使其學者離一切相即名諸佛故好與三下
火抄有佛土中以黃花翠竹而為佛事令觀相者見
色即空故且付與彌勒有佛寶刹以法空為座而示
佛事禪其行人不著佛求故勘破了勾下有佛道場
以四事供養而成佛事使知足者斷異念故可與下
載有佛妙域以一切語言三昧作其佛事令隨機入
若不捨動靜故為渠裝載大眾且道於中還有優劣
也無良久曰到者須知是作家

台州真如戒香禪師上堂孟冬改旦曉天寒葉落歸
根露遠山不是見聞生滅法當頭莫作見聞看

隆興府百丈以棲禪師上堂摩騰入漢達磨來梁途
轍既成後代兒孫開眼迷路若是箇惺惺底終不向
空裡採華波中捉月謾勞心力畢竟何為山僧今日
已是平地起骨堆諸人行時各自著精彩

江州圓通道旻圓機禪師世稱古佛生五歲足不履
口不言母抱遊西明寺見佛像遽履地合爪稱南無
佛仍作禮人大異之去大梁依景德寺德祥出家試
經得度徧往叅激皆染指親瀉山禪師最久晚慕泐
潭往謁師陳歷叅所得不蒙印可最後有所擬對潭
首肯之後開法灌溪次居圓通以符道濟禪師之記

朝廷聞其道會宰臣為之請錫以命服與圓機號

伯新悟溪初祖也鄒道卿黃山谷與結物外交鄒題
悟溪有云悟溪老人伯新忘情人也而特愛予草書
取紙篋中一無有乃折寢禮六幅書之黃題悟溪詩
云同行野僧六七輩亦有文士相追隨伯新與焉

務欽師需禪師福帥以雪峯招致張丞相延之幽巖
退居龍紀榜室曰大懶將歸寂其徒請頌師曰釣客
不持竿玉女不畫眉何大圭贊之曰佛海英傑叢林
耆舊晚得嗣曰仁秀獲知梁丞相請任雪峯

海瑩字湛然永豐丞謝洪叔也與大懶同叅需禪師

俱爲上徒游江淮間禪流號爲瑩徹底
守惠陳姓三入內說法賜號冲真密應通慧禪師住
江州圓通院中秋夜示衆曰山僧生來百拙開口都
無一說今夜指空畫空笑倒清風明月行門謹密歸
寂數日神色如生

慶恩初爲縣小吏令詹卓然知其非凡相因度爲僧
受業水陸名僧圓覺禪師遣之雲遊江西叅老衲禪
師道價藉甚京西路監司保奏延住大洪山繼而丞
相趙雄周必大又招住荆門軍玉泉景德院逝之日
沐浴升堂遣人辭丞相及諸檀施遂作頌云來不入
門去不出戶打破虛空日輪坐午

德潛龔姓叅政茂良之兄通儒釋學住經山自號寓
庵時召入內說法賜偈云信手拈來說宗乘數百句
僧歸寺寂寥一字無着處又有宣一者寓泉州西羅
漢禪林謂之僧中龍象

有南秉性慧達以詩自娛遊泉之開元承天每所過
闌闐市易之家則獲息倍蕪市者爭徑其至人遺之
錢卽納懷袖至數百則拋與兒童大笑爲樂江給事
每敬重之一日忽語其徒曰翼日當與衆別矣至期
跣坐而化或以告給事給事詣見之乃於座上微開

問書 卷之二十一 三
目睫口授以偈云東省書問頻續佛日衣鉢相傳試
問來去因緣亭亭江月橫天

白鹿禪師正洪性地圓明戒行堅固誘掖學徒穆如
春風偈頌高古禪林推服

宜燦葉氏子棄儒從釋頓悟上乘詩律尤高湖北諸
司延請住公安三聖寺其詩集流行荆楚間

皇朝

心明 了住

心明成化初雲遊至天王寺興廢墾田爲久駐計敬
禮士大夫士大夫亦重之年九十餘跌坐而化

梅山了住法純禪師平海衛人依漳州閒寂首座剃
髮受具往平和開創棲雲巖徒侶叢集又棄去孤隱
芹山六年不出後從首座清源坐夏四經同安同安
四衆歸依遂築室於梅山殿傍懇師居焉將示滅七
日前叮寧告衆閉目而化十日後弟子啓龕視之面
色如生頭髮更長塔于漳之南山寺側

邵武府

唐

隱峯

五臺山隱峯禪師初遊馬祖之門未能覩與復來往

問書

卷之二十一 方外

三

万

石頭後於言下相契冬居衡嶽夏止清涼元和中薦
登五臺路出淮西屬吳元濟阻兵違拒王命官軍與
賊軍交鋒未決勝負師曰吾當去解其患乃擲錫空
中飛身而過兩軍將士仰觀事符預夢鬪心頓息師
既顯神異慮成惑衆遂入五臺於金剛窟前將示滅
先問衆曰諸方遷化坐去臥去吾嘗見之還有立化
也無曰有師曰還有倒立者否曰未嘗見有師乃倒
立而化亭亭然其衣順體時衆議昇就茶毗屹然不
動遠近瞻覩驚歎無已師有妹爲尼時亦在彼乃拊
而咄曰老兄疇昔不循法律歿更熒惑於人於是以
手推之儼然而踣遂就闍維收舍利建塔

宋

洪英

隆興府泐潭洪英禪師示僧徒曰問也無窮答也無
盡問答去來於道轉遠何故况爲此事直饒捧頭薦
得不是丈夫喝下承當未爲達士那堪更向言中取
則句裏馳求語路尖新機鋒捷疾如斯見解盡是埋
沒宗旨玷汚先賢於吾祖道何曾夢見祇如我佛如
來臨般涅槃乃云吾有正法眼藏涅槃妙心付囑摩
訶大迦葉迦葉遂付阿難暨商那和修優波毘多諸

祖相繼至於達磨西來直指人心見性成佛不立文字語言豈不是先聖方便之道自是當人不信却自迷頭認影奔逐狂途致使於嶢流浪生成諸禪德若能一念回光返照到自已脚跟下褫剝究竟將來可謂洞門豁開樓閣重重十方普現海會齊彰便乃凡聖賢愚山河大地以海印三昧一印印定更無纖毫透漏山僧如是舉唱若是衆中有本色衲僧聞之實謂掩耳而回笑破他口大衆且道本色衲僧門中一句作麼生道良久曰天際雪埋千尺石洞門凍折數株松

皇朝

徹空

徹空光澤人年二十餘善持戒行凡六根之賊一切屏棄與其徒二人枯坐武夷山大王峯巖阿中草團蒲筵了無長物其峯下飲上哆纍石數十尺石上架梯十數級皆帖壁陁樹乃可以登方伯趙維垣萬虞愷檄建安崇安二縣營屋而居之

漳州府

唐

浮石和尚

羅漢和尚

周書

卷之三十三 方外

三

浮石和尚上堂山僧開箇上舖能斷人貧富定人生
成僧問離却貧富生成不落五行請師直道師曰金
木水火土

本州羅漢和尚初叅關南問如何是大道之源南打
師一拳師遂有省乃爲歌曰咸通七載初叅道到處
逢言不識言心裡疑團若拷拷三春不樂止林泉忽
遇法王氈上坐便陳疑懇向師前師從氈上那伽起
袒膊當胸打一拳駭散疑團獨但落舉頭看見日初
圓從茲蹬蹬以碣碣直至如今常快活只聞肚裏飽
膨脝更不東西去持鉢

五代

超悟 可儔 道熙 行崇 無逸

本州保福院超悟禪師僧問魚未透龍門時如何曰
養性深潭曰透出時如何曰纔昇霄漢衆顛難追曰
昇後如何曰垂雲普覆潤及大千曰還有不受潤者
也無曰有曰如何是不受潤者曰直機撐大陽

本州保福可儔禪師僧問如何是和尚家風曰雲在
青天水在鉢

本州報恩院道熙禪師僧問明言妙句卽不問請師
真實道將來師曰不阻來意

本州報恩院行崇禪師僧問如何是佛法大意曰確
擣磨磨

本州隆壽無逸禪師開堂陞座良久曰諸上座若是
上根之士早已掩耳中下之流競頭側聽雖然如此
猶是不得已而言諸上座他時後日到處有人問著
今日事且作麼生舉似他若也舉得舌頭鼓論若也
舉不得如無三寸且作麼生舉

宋

智依 懷璉 端式 倚遇 本權

本州羅漢智依宣法禪師將示滅謂眾曰今晚四大
不和暢雲騰鳥飛風動塵起浩浩地還有人治得否
若治得永劫不相識若治不得時時常見我言訖告
寂

明州育王山懷璉大覺禪師龍溪陳氏子蘇長公爲
作宸奎閣碑其畧曰皇祐中有詔廬山僧懷璉任京
師十方淨因禪院召對化成殿問佛法大意奏對稱
昔賜號大覺禪師是時北方之爲佛者皆留於名相
囿於因果以故士之聰明超軼者皆鄙其言詆爲蠻
夷下俚之說璉獨指其妙與孔老合者其言文而真
其行峻而通故一時士大夫喜從之仁宗皇帝與璉

問答親書頌詩賜之凡十有七篇一日賜以龍腦鉢
手盃對使焚之曰法以壞色衣以瓦鐵食此鉢非法使
者歸奏仁宗嘉歎久之至和中上書乞歸老山中不
許治平中再乞堅甚英宗皇帝留之不可賜詔許自
便璉既渡江少留于金山西湖遂歸老于四明之阿
育王山廣利寺四明之人相與出力建大閣藏所賜
頌詩榜曰宸奎

端式仁宗朝召至京師與梅聖俞唱和有十詠詩曰
出谷泉曰古木陰曰寒溪石曰孤汀蘋曰雲際鐘曰
垂鞭巖曰天外峯曰秋原菊曰漁舟火曰春溪水其
歸也聖俞贈之詩來居天王都嘗夢苦竹溪乃識高
僧趣不為私物迷海燕乘華屋區區竟衝泥安知矯
翼鷗豈類斷尾雞性同而貧殊何必莊指齊

洪州法昌倚遇禪師幼棄家依郡之崇福得度有大
志自受具游方名著叢席叅北禪止留最久晚至西
山瞻雙嶺深邃棲息三年始應法昌之請上堂汝若
還身千尺我便當處生芽汝若顛面相呈我便藏身
露影汝若春池拾礫我便撒下明珠直得水灑不著
風吹不入如箇無孔鐵鎚相似且道法昌還有為人
處也無良久曰利刀割肉瘡猶合惡語傷人恨

不銷

本州保福本權禪師於晦堂舉拳處徹證根源機辯
捷出黃山谷初有所入問晦堂此中誰可與語堂曰
漳州權師方督役開田山谷同晦堂往致問曰直歲
還知露柱生兒麼師曰是男是女黃擬議師揮之堂
謂曰不得無禮師曰這木頭不打更待何時黃大笑
上堂舉寒山偈曰吾心似秋月碧潭清皎潔無物堪
比倫敦我如何說老僧卽不然吾心似燈籠點火內
外紅有物堪比倫明朝日出東灰心和尚見之歎曰
權兄提唱若此誠不負先師付囑也

元

智順

天寶山智順禪師樞院三鐵開樞公名僧也授順心
要順運而行之似有階漸欲依樞住樞曰奈何不於
大叢林頡頏局此羶殼中耶拂袖入順潛然出泣樞
聞歎曰吾知順爲法器姑試之耳延入僧堂順壁立
萬仞無所回撓踰月便於中園瓠瓜觸發妙機四體
輕清如新浴出室一一毛孔皆出光明去之尋師一
無所遇後來歸樞樞問所證曰晷上一乘尚在萬里
一日忽有省厲聲告樞曰南泉敗開今已見矣樞曰
不是心不是物不是物是何物順曰地上磚鋪屋上

瓦覆樞曰卽今南泉在何處順曰鷄子過新羅樞曰錯順亦曰錯樞曰錯錯樞囑順善自護樞捐館順主院事

皇朝

智海

本州開元寺智海禪師號閒寂該誦精講法力高勝來開堂泉州半嶺王慎中贈詩二章峻絕高峯透步難黃龍二問是巖關繡鴛呈出針紋隱駿馬自驚鞭影間其二生如靈樹契冥符貶剝諸方沒破除自笑欲談詞忽喪江州鈍置老尚書

福寧州

唐

靈祐 妙覺

潭州瀉山靈祐禪師長谿趙氏子年十五出家依本郡建善寺法常律師剃髮於杭州龍興寺究大小乘教二十三遊江西叅百丈丈一見許之入室遂居參學之首司馬頭陀自湖南來謂丈曰頃湖南尋得一山名大瀉是一千五百人善知識所居之處丈曰老僧住得否陀曰非和尚所居丈曰何也陀曰和尚是骨人彼是肉山設居徒不盈千丈曰吾衆中莫有人

住得否陀曰待歷觀之時華林覺爲第一座丈令侍者請至問曰此人如何陀請警欬一聲行數步陀曰不可丈又令喚師師時爲典座陀一見乃曰此正是瀉山主人也丈是夜召師入室囑曰吾化緣在此瀉山勝境汝當居之嗣續吾宗廣度後學而華林聞之曰某甲忝居上首典座何得住持丈曰若能對衆下得一語出格當與住持卽指淨瓶問曰不得喚作淨瓶汝喚作甚麼林曰不可喚作木楔也丈乃問師師踢倒淨瓶便出去丈笑曰第一座輸却山子也師遂住焉是山峭絕變無人煙猿獮爲伍橡栗克食經于五七載無來者師自念言我本住持爲利益於人旣絕往還自善何濟卽捨庵而欲他往行至山口見虵虎狼豹交橫在路師曰汝等諸獸不用攔吾行路吾若於此山有緣汝等各自散去吾若無緣汝等不用動吾從路過一任汝喫言訖蟲虎四散而去師乃回庵未及一載懶安上座同數僧從百丈來輔佐於師安曰某與和尚作典座待僧及五百人不論時節卽不造粥便放某甲下自後山下居民稍稍知之率衆共營梵宇連帥李景讓奏號同慶寺相公裴休嘗咨玄奧繇是天下禪學輻輳焉大中七年正月九日盥

漱敷坐怡然而寂壽八十三臘六十四
妙覺大師中和間居鳳山開山建寺鑿石為柱石不
能開封竹篋鞭之石隨裂昇之不動又封篋鞭之石
隨起天旱無水卓錫出泉

五代

志勤 道閑

福州靈雲志勤禪師本州長谿人也初在瀉山因見
桃華悟道有偈曰三十年來尋劍客幾回落葉又抽
枝自從一見桃華後直至如今更不疑瀉覽偈知其
所悟與之符契往後山堂僧問如何得出離生老病
死師曰青山元不動浮雲任去來

福州羅山道閑禪師長溪陳氏子出家龜山寺年滿
受具徧歷諸方叅石霜巖頭服膺其教閩帥飲其法
味請居羅山號法寶禪師臨遷化上堂良久乃曰欲
報佛恩無過流通大教歸去也歸去也莞爾而寂
宋

木蛇 普華 道隆

木蛇禪師寧德漳寧阮氏子大觀中受業杭州天竺
寺法名邦靜詞偈高古程尚書顯謨師之紹興辛亥
程帥閩清住持鼓山寺僧堂有木蛇或預戒及樂施

者登山木蛇輒出門迎之因號木蛇禪師

普華寧德黃氏子年十六從釋爲叢林重初住持金陵報德寺數年又住持吳門萬壽寺領袖緇流

道隆普華侄也割股剖肝以療母病母歿廬墓數年後落髮入空門戒行清潔葉儂寇境道隆具牛酒焚香頂臂入賊中賊爲感動一鄉全活

皇朝

原勳 祖恭

原勳字大用寧德人俗姓李蚤從鳳山僧清溪持戒甚嚴元末住持本山洪武初造橋建寺開渠置田有

功梵刹

祖恭寧德黃氏子居金郛寺操律甚謹緇流推服

何子曰閩中仙道之盛則董奉其著釋衲之盛則百丈懷海雪峯義存黃蘗希運瀉山靈祐其著董奉義存已別載於本州志中而茲復得仙道三十四人釋衲三百四十九人焉其他載於本州山川者尚未易枚舉也要以釋衲之徒五燈會元所載閩中爲盛而閩中之盛又在王審知有閩之時豈非以其崇尚佛教弘飾寺宇緇流雲集起而應之耶夫其矯誣邪惑猶能驅一世之慧哲聆寂表真著玄言於後世而况

興聖人之教明先王之道以導之者也
 贊曰仙道之教堅固其軀非人不遇非法不符至于
 釋門相去凡夫靡自靡他並引覺途飈流厥初意欲
 雙無道雖二門心實共模我擇言要併載身樞啓世
 愚昧以翼泗洙

閩書卷之一百三十八

方外志

仙道

福州府

秦

游三蓬

游三蓬閩清人少而孤有田僅足糠覈久之不竟耕
 與弟乞奴漁釣溪上日歌呼相和寒暑以三莎蔽體
 閩清人謂之三蓬或憐之與以短褐數日亦棄之始
 皇二年辟穀不飲食至漢昭時人有見之武夷山中

漢

莊君平

莊君平夷堅志云福有道人嘗見老叟同室歲餘告之曰吾莊君平也取一書授之天明叟出不歸視其書皆脩身度世之說今但記其語云事業與功名不直一杯水

唐

符契元

符契元上都昊天觀道士也德行法術為時所重長慶初中夏晨告門人曰吾習靜片時慎無喧動乃扁戶晝寢既而道流四人邀延出門心欲有詣身即輒至離鄉三十餘年因思一到俄造其居室宇攤落園圃荒蕪舊識故人不遺殆盡舊曾煉藥條山亦思一遊倏忽已至恣意歷覽窮遍巖谷

宋

陳某 陳通 張與玉 張克真 歐陽器虛

陳某候官人世以巫顯往來興化縣郡中郡人疫癘經其呪治者皆全活沒而興化人祀之

陳通長樂人與弟靈皆有道術能驅雷雨除崇宣和中召至京符呪輒驗徽宗悅之俱封以王爵沒後人多祀之

張與玉號霜崖嘗遇異人授以秘訣煉伏火丹從黃
宗師授雷法得飛神御氣之妙歲旱禱求立應
張克真號平心初至崇安光化寺得黃雷困清微雷
法寺中常有妖狐化婦幻人師召雷擊狐福寧州旱
師投符龍湫金魚啣入頃刻雷雨大作州人送經飛
鸞渡舟覆溺者數十人翼日他舟過者視覆舟下師
端坐無恙迎拜歸家雷電繞匝

歐陽器虛宋元之際莫月鼎高足也善內煉精炁結
爲嬰兒從頂上出入冷然風御倏忽千里而本身偃
然在靜室中若酣睡也器虛弟子馬月林嘗侍於浦
城之青華道院適值仲夏上下縣大夫方祀宣聖月
林問曰老釋脩煉不與生歿爲變儒學不然未知仲
尼之神果長在否器虛曰善哉問吾出神觀之於是
入室靜坐月林穴壁窺之見其凝然不動少頃忽見
頂上出神浮空而往良久返舍若酣睡初醒揚眸噓
氣啟戶而出與月林云初至文廟時見一人絳袍玉
帶周歷堂廡自左門入向右門出進而問之曰文昌
君也天帝命我爲宣聖察祭誠否言訖步虛而去良
久主祭官陞殿祭酒讀祝時見一道太素之氣自天
而垂貫入殿庭祭畢冉冉復上因歎古之真人飛神

謂帝者未嘗獲瞻其象惟見金光焜耀吾今乃知仲尼亦然


元少天帝命此為言聖宗祭禮亦宜宜也誠而後

義高 王與敬 周願真

義高俗姓陳早得仙術元太祖召賜金幣歸遇貧者悉分與之又精兵機晉王北征命從行時方煩暑王欲試其術召命降雪義高齋沐飛符麾之皂旗雪紛紛下後賜歸端坐而化趙子昂挽詩云世祖龍飛正統天先生聲價重當年詩袍碎剪宮娥錦酒債分還御賜錢虎衛紅雲通玉笋鳳池明月送金蓮梁園一

去無消息荒草寒烟思惘然

王與敬少遊湖海參訪高真留雷州遇元旱祈禱大應城中妖興夜聞人馬聲與敬治之頓滅朝廷宣賜至道玄應通妙法師至大二年奉旨還山護冲祐觀周願真少遇西蜀異人授以隱書及壬遁返閑之秘因自號山雷子後從開元觀道士蔡術嗣靈寶法凡玄學運用悉以易變通之元統甲戌歲旱郡請禱願真默運電出袖中雷雨隨至未幾有訐其左道捕之憲願真挺身立州橋石欄側捕者不見也一日命筆書曰我從空來我即空我向空歸空自在



皇朝

陳鏗韶 林靖樂 黃介通

陳鏗韶二十餘喪妻遂散家資學長生術時時至鼓山絕頂默坐竟日久能辟穀其父以為病狂拘繫之見其不食復舍之遂遠遊大茅武當諸名山途遇鄉人間有識之者輒不與言數年復歸以藥囊遺母鄉士大夫或慕之迎致他館亦不與言後莫知所終母啟視囊悉乾葉葉也

林靖樂字紕素閩縣人儒道兼通有禱輒應任龍虎山宮事永樂間賜道錄司右演法任武當太岳太和

山大聖南巖宮提點都督

黃介通閩縣人龍虎山崇禧觀道士儒雅兩全有詩

集行世

泉州府其本木宜林中

宋

蘇紹成 陳以文

蘇紹成德化人委業天慶觀後隱北山朱文公嘗造其廬書庶靜二字贈之且銘其琴曰養君中和之正性去子忿慾之邪心乾坤無言物有則我獨與汝鉤其深



陳以文字文仲同安人清脩學道居天慶觀三十餘年守倪思雅敬之慶元間賜號守素冲虛大師

建寧府

宋

徐知常 劉夢鼎 棲霞山人 衛太丞

徐知常字子中建陽人能詩善屬文尤通道儒典教悉神仙事明其本末宣和中除藥珠殿侍宸

劉夢鼎崇安忠顯公曾孫也母未孕時夢一羽衣手捧三足香爐至其家曰以此寄汝當有嘉應後孕十

二月乃生因名夢鼎少而聰敏博學師事侍宸黃雷困得清微道法主行靈寶齋醮多有異應曾於邵武

九龍觀建黃籙大齋而枯井湧泉天降甘露四方從學翕然一日南浦真氏延之建醮遇一道士相謁問

其姓名云是武夷侍者迺公回山須臾不見及歸家人亦夢其然遂沐浴坐化

棲霞山人寄跡松溪縣之棲霞道院以海門自號甚有道行且善書畫非賢士大夫不交人莫知所從來

亦莫詳其名氏第稱之曰海門子後不知其所從去衛太丞素不能醫元宵日郊行遇一老子負薪至與

同坐且謂今夕揚州上元好看灯衛曰三千里何可

得老子出青布袂鋪地俾衛閉目少頃令其開視則揚州城矣鷄鳴復用青布袂坐其中復還故處一日值華嶽真人誕日老子入內慶賀俾衛立門首曰遇有瞽目人來此吾師也即拜之有頃三人皆瞽一目扶一老人至衛即拜老人入謂老子曰門外之人有仙骨而無仙方乃付藥方一本指教用藥治病之原歸則去家二十餘年矣鄉人莫知其能醫耘田人相與言曰衛太丞自謂能醫少試其術一人方午飯自田中走入室佯為病者衛診脉謂申時當歿其人擲榆曰太丞誤矣我本無病跳躍復田未踰時腹痛不可救後不知所終

元 金志陽 精煉藥一曰曰云云
 金志陽居武夷山與匡廬道士淵隱一時號為真仙脩丹之士依之者成市

宋 延平府
 謝祐 廖藏 上官道人 董聖者

陳善 饒松
 謝祐沙白水村人移居歷山嘗從黃裳學元豐五年

從裳守泉州裳遣往建寧遇異人於水晶宮留懋三日授以金符玉册歸遂體骨不凡復師事薩真人遂精道術元祐二年化去鄉人祀之有禱輒應紹興九年勅封顯烈尊王淳熙十六年賜額正順

廖藏將樂人周遊四方遇異人得養生訣名聞于朝宋真宗召見賜茶話逾時藏進詩謝尋歸祀先塋辭姻舊去莫知所往

上官道人辟穀煉氣一日偈云處世紅塵五十八混世獨存今始沒時人若問吾歸處掃盡雲霞一輪月後戍兵於廣西見之

董聖者沙人學佛得其宗旨遂迹大部巖穴間澗飲草茹與世寰絕後入尤溪沈水堂坐化遂廟食於尤

陳善沙人世力農有田業生厭世網長乃棄家從釋子游堅持佛行有得嘗耕於里中過芒種不插或嗤之答曰吾六月乃插與爾同獲不晚也眾異之至五月山水暴漲秧苗蕩盡乃再插之其時六月也又嘗傭興雲寺主僧令之糞田善昇糞上流灌而下之一里皆饒或以告僧僧責之曰獨汝田欲肥乎遂別去出寺門以鋤自削其迹曰不復來此矣遂至洋溪隔



頭庵坐化鄉人迎軀事之今此鄉之田必至六月乃
 插先插者亦自不長
 饒松沙人不樂婚娶入山採薪遇二人奕視之志返
 奕者曰可歸矣送之出自是為人傭田識者謂其有
 道術也阜王家謂曰聞君素有道術能令水逆溢乎
 松穴地作坎引水逆上須臾溢漲每耕耨處輒有片
 雲覆之坐化毗山鄉民肖像祀之文丞相募兵勤王
 道經菴下士卒乏泉涓甚松幻一道者持壺漿犒之
 隨遍一軍丞相異之問所繇言姓名居止倏不見入
 菴觀像儼然持壺者也

皇朝

愈震齋黃天玄合傳

魏雷鳴以林道人
 愈震齋沙人秘傳符籙精五雷祈禱術同時有黃天
 玄者住持宜福觀亦能此術洪武二十年省城大旱
 藩司召二人祈雨既至分東西立壇私約曰吾二人
 雨當有辨乃以書符硃墨二硯分投水缸中須臾雨
 至一壇水黑一壇水紅時有贈之詩曰三日登壇三
 日雨一聲號令一聲雷愈晚居其里之三官堂一日
 有老媪求救曰吾某山母龍坐行雨失律當午時震
 歿過午無害矣惟法官可改此厄愈曰能幻形小之

問書

卷之三十一 方外

九

德祥

藏我鉢盂中乎龍如令化小蛭蛭投盂中俞以令牌
 覆之端坐以俟須臾暴雨擊至數遍過午乃息俞
 呼龍曰可以去矣龍出仍化老媪拜謝約曰有所雨
 當如命効力每三年輒一來朝至今六月初有暴風
 疾雨由南而北必曰龍始朝俞云此水城中既出雨
 魏雷鳴沙人亦精雷霆術童子有欲為戲與之一錢
 魏就童掌中作書符狀令緊握之至人傍放手轟雷
 一聲而散人亦驚於雷也

林道人莫知姓名得仙家鍊合之術以採濟貧乏為
 主有貧人求其術不得恨之告之守守怒急捕之林
 已在門矣遽召入秀眉美髯姿出格外守望見已心
 異之詞色稍和試之術命取水銀一大錠計重二鎰
 付之林因請水一器投水銀其中用木搽之少頃澄
 水已成好銀守命銀工就地為爐依法燒煉果不變
 也乃禮而遣之而雲間董翰林玄宰來閩就詰焉曰
 憑學士取一物為驗董取盃中梧子授林方茶次林
 便投入茶盃隨水所指立變為銀舉座駭愕董曰梧
 化銀矣銀可返梧乎林接取再納茶盃食久出之故
 是梧子也如此者三林曰此真銀矣五百年後不復
 變也因從容謂董曰某之術通天地役鬼神非其人

變也



不授觀學士有些道分故不覺技癢但某常以陰功
 抹人及物須藉學士高文流傳人世董許之中夜思
 惟爲道人文吾能之萬一事敗則吾文誤人明日遣
 家豎持輕吹二端織履一輛送林林已先覺之迎謂
 曰乃公昨許我傳夜半生疑然遣幣致敬終不失爲
 長者敬拜乃公賜但曰少留貧道亦欲附壽乃公忽
 拾斷瓦重可十二鏤取紫包裹曰途中毋發也至館
 發之則金色燁然宛斷瓦狀董從容叩其大要曾鍊
 一神不委何名欲呼之用右掌食指書神姓名于左
 掌中指背止二字神立至矣自言讀黃庭內景別有
 指歸每于靜夜密呼五臟神姓名其神自出宛若人
 形並長寸許行動如常衣色精彩其分明者容髮皆
 具是神無病如或一臟受痕則此臟之神颯萎不振
 急召使入忙用工夫巡還呼出便不復爾銀梧子上
 有星麝類梧子吳人就董取以抹母小餅金所抹亦
 多吳兒咸言神仙點金也董嘗爲人道說於其戲鴻
 堂

汀州府

宋

王中正

梁野

黃升

歐陽仙

曹道翁

張道成

劉氏女

王中正舊名捷長汀人咸平中遇羽士授以鉛汞黃金之術且戒曰非遇萬乘勿輕出挾其術走上饒佯狂呼叫坐流嶺南復遇羽士謂之曰姑俟他日遂逃至京師爲有司所捕供奉官張德權異之以聞上命皇城司劉承主問狀中正面奏改今名賜對龍圖閣下具陳靈異獻所爲白金遂特授許州叅軍祥符間每遇大典禮大工役率爲金以進景靈宮成進黃金四千九百兩白金萬有二千七百四十兩前後金累鉅萬詔書褒諭累官光祿大夫簡較禮部尚書右神武衛大將軍後卒于京命內侍周懷正護喪事塑像

景靈宮

梁野一名戴長汀人兵部郎中灝之弟自號野人居天慶觀左嘗遇神授以致錢之術每欲錢縮手一振錢輒盈袖益放曠歌酒施捨貧乏人日爲狂嘗久雨彌旬薪粒告盡母責之戴曰所須幾何母曰多益善爾翼翼朝戴引薪米數十擔從外來母曰善哉兒多固好顧安所得錢乎戴曰母幸無慮振袖償值一一如數無欠無餘母方異之天慶初灝守廬州野衣敝衣藍縷入謁灝命沐浴更衣拂而起忽不見求之弗得

明午旅邸有告曰昨夜有道人抵宿晨起窺其室但見錢槩半壁不復見人瀨遣官吏破戶見錢上有書云弟野以烟蘿侶久俟不果進辭冀珍重有少錢煩周貧乏仍遺所服敝衣異香襲人殆非人間所有瀨感歎久之自是不知所往

黃升字正道長汀人能呼錢之沉沒江河溝壑間者又能索口中運真氣鍊之一晝夜成白金名曰陳鍊先是蔡道人自蜀來升與厚道人歿城外五里邸中升爲棺殯一日忽有自贛携蔡書來者具言在崆山相候升疑之如是者十餘書升遂往相見再拜祈請示以向時所遇地有文字筆硯在壁隙間使歸誦之忽不見歸發其殯則空棺而已卽往所遇處取其書讀之自是能召役鬼神前知禍福年八十六髭髮如漆後亦尸解

歐陽仙清流人結廬豐順道院養真脩煉後坐化鄉人祀之水旱迎致能動風雷隨車而雨

曹道翁不知何許人宣和間始至清流縣避近道菴初成遂居焉狀貌甚野青巾短褐終日兀坐居數年稍合藥濟病得者輒愈每入市必大醉歸有尾而伺之者但見其行趨酒家據床而酌取金於袖無餘無

欠至茶食肆亦如之不則經旬不爨或詰之曰翁無
生計百需無窘營作何狀對曰我能呼錢或求其術
曰吾所呼者皆深溝巨壑久湮之物汝若傳之必睨
人帑藏禍及身矣登真觀道士丘居通慕而歸之嘗
獻金二千二百爲製衣用翁分取諸故笥果得之如
數因令居通爲之碾藥令自摩頂曰可使鬚髮不白
後居通年八十四髮無一莖白者獨皤然其鬚或扣
之曰碾藥時未鬚也邑有賴岫者携女子來遊翁取
藥小劑令嚥之撫其首曰爾終身無病通夕無便旋
矣果如其言一日戒徒曰吾將有適塋我菴後數日
菴隣江鐸者見翁幅巾肩傘過濟川橋江還知翁已
歿發土啟棺無一物乃悟其尸解也

附

劉氏女寧化縣人父安上攀龍鄉豪也女生不茹葷
豔慧喜文九齡與羽人談道自誓不嫁及笄父母以
許石城何氏子卜吉強行淡飾就車劉氏聚族送之
甫越境忽有白鵞從天下乘之飛去莫窮所往衆異
之輒祠乘鵞之地郡以狀聞朝命賜祠爲蓬萊觀郡

守陳軒過其下題詩云白鷺乘去人何在青鳥飛來
信已遙若使何郎有仙骨也須同引鳳凰簫

興化府

皇朝

卓晚春

卓晚春甫人生嘉靖間自號無山子亦日上陽子人
呼爲小仙幼孤無資行丐於市八歲善算籌指掌上
雖千萬不爽言休咎事皆奇中初不識字十四能詩
十六善草書當道聞其名召見之輒與抗禮每有得
以施人時有善衣脫却下笏人持去不問也或邀請

之少拂其意雖華筵不往矣少時蓬跣履霜着黑麻
布裙背加青紗帕子而已及長冬寒或贈之縑矣顧
雖霜夜必露宿石上或日走浴溪澗飲水十數甌曰
漂我紫金丹也有問陽何不用七而用九陰何不用
八而用六者曰合九與六十之有五也問天有時壞
否曰天安能壞故曰者陽也日出而天地闢又曰天
亦能壞子時一陽始生自子至寅陽氣始全自寅至
午陽氣始盛自午至酉陽氣漸微自酉至亥陽氣復
生又曰無極者如年之十月也太極者如年之十一
月也有問日之烏月之兔曰此卯酉之說也或問海

水曰此天地之精也而水之淡者餘氣耳諸譚討皆
 此類鮮知其解解者惟林子兆恩故小仙與林子結
 方外遊時莆中寇疫頻仍有問郡中事者小仙口占
 謂當大厄甲寅歲託言北征過江橋謂人曰我去後
 橋石折莆陽變矣丙辰橋石果折壬戌遂有陷城之
 變其先知如此後蛻化于杭州淨慈寺小仙所為詩
 曰天上逍遙卓晚春桃源深處老乾坤倒騎黃鶴歸
 滄海脚帶青天幾片雲唐順之作小仙草書歌有曰
 瓊譚東海黃公符蒼古太廟姬王瑒藤纏老樹千尺
 挂鷹攫寒崖百鳥悞之句夫心韻蓋此詩意也

邵武府

宋

馮觀國

馮觀國遊方外遇異人得內丹之法自稱無町畦道
 人寓宜春二年言人吉凶盡驗或有謂其醉狂者觀
 國以詩謝曰踏遍紅塵四百州幾多風月是良儔朝
 來應笑酡顏叟道不相侔風馬牛紹興中端坐而逝
 皇朝

張子冲

張子冲賣樵事母常曰一心無罣礙願見呂先生一

日上山判木忽有道者衣衫藍縷至其家以饑告其妻妻答云未炊惟蒸糯一斗待夫歸釀酒可食少許道罄食之妻大恨曰吾夫嗜酒吾被責矣道曰不爾累也可汲水一缸以餘粒浸蓋尋拂袖歸頃之冲歸其妻告之開缸酒也冲驚曰呂先生至矣追及澗橋憊其見度道答今日無緣來年中秋可於建陽龍遊橋中相遇三人共一目爲記冲如期往見二瞽者搭眇一目人肩已過橋矣道責遲復期來年冲復往偶橋中相遇乃曰汝母今日歿矣無棺可斂遂卽掌中盡一屋語冲曰請視之似何所也冲答曰似北勝寺道曰我有棺寄西廊下往取之冲遂昇到家僧俗初不知其中有棺也後冲棄妻子寄跡寺中勸建翠雲菴居止無定處凡有錢施者第取一文云但得一錢足何憂身外身國初縣以爲妖械積車中送至京師開車無見惟破笠敝衣竹節冠滿積而是方燧郡庠生早孤事母至孝嘉靖三十三年元旦遇異人于庠之泮橋授以秘書燧歸閱之遂棄儒業一日欲爲子娶而無資其友王止庵知之拾碎金往市鎔之成錠出心一大孔相透匠賀曰某一生不能鎔兩錠公必爲喜也王躬往遺之至則晚燧曰予欲留

日恐妨君燕晚行無伴柰何然予已遣人相送矣王
出心疑之行數步見前隱隱有燈光遇友吳姓者邀
之道曰候公已久公何來晏也王唯唯就席第見呼
盧擲骰靡不如意若有助者至半夜辭去而王家忽
有呼門聲啟視寂然頃之王至訝其門闢僕曰適有
扣門者闢之又不見王入室異香襲人乃始悟燧之
遣人不虛耳建昌有游生者慕仙若渴偶夢仙導見
一人儒冠道服年可七十童姿鶴髮丰神飄然囑之
曰汝師也覺甚異之萬曆六年燧偶遊益藩游遇于
塗卽夢中所見者遂拜而師事焉時益王蹶折臂病
甚世子求燧治至則已知之矣授之秘術痛卽止不
數日愈王喜甚召之燕賜金帛不受王築壇別院待
之世子朝夕執弟子禮居九年世子從壇中見紫光
結聚異香滿座謁壇視得紫珠數十顆鮮明五彩進
之王曰此寶也以遺燧燧館王所一十四年一日遺
書游生三日後召諸友賞雪如期至果大雪酒半酣
起囑衆曰予叨王祿養久無以報今辭王歸矣遂端
坐逝逝之時人有見燧儒冠道服曳杖逍遙從府中
出北門去

橋仙李存忠性冲和善咲寡言縫衣糊口每得食必

懷以貽母母死寄食於兄而以母事嫂嫂狠妬不相
容諸兄逐之忠罄身出居昇仙橋之鵲梁下單衣敝
席外無長物饑惟就飲者而止之戴長冠袖手不言
卽與否但嘻笑而已市中三尺童子皆呼橋仙歷寒
暑數十年其口嘿然其容莞然其體充然如一日也
或日一往市或三日一往市餘惟濃睡而已時隆冬
有好事者往觀其狀裸體縮足兩手互攀足心熟卧
其煖氣猶蒸人人大異之自是往市中無不予者忠
亦不受惟酒則飲之一日大雪忠出有飲者見而招
之飲畢去衆問曰如此盛寒君第單衣何以堪之忠
啖不言衆強之曰肉不足故寒卽逸去衆愕然未幾
而逝逝之日有人自武夷來者見于其處或又見在
白渚橋云昔萬曆之二十五年夏亦如前而相傳
廖半仙失其姓名泰寧人家赤貧傭耕養母一日出
樵探遇二老人山中食之二桃半仙不食置懷中欲
以遺母老人曰速食之語未畢桃自懷中墜遂滾入
石半仙逐而啖之啖僅半起視二老人忽不見自是
有力善負常爲人築田埂取巨石數十人不能扛者
手掇之裕如也平疇無水插秧須雨族人謂之曰胡
不取水灌田乃袖手望天平荷鋤往將鋤柄撞入石

壁中大呼曰水來矣水來矣拔柄泉湧汨汨不絕灌田數十頃一鄉賴之人呼為半仙

漳州府

宋

劉希岳 丘元迪 三公

劉希岳端拱中為道士居西都老子觀中遇異人得道號朗然子嘗自言辛勤未逾十年人驚不老歲月俄經一紀自覺如新一日沐浴更衣陳席而卧須臾飛出一金蟬遂失所在

丘元迪咸平庚子為道士居本州天慶觀常遍遊名山祥符間于龍虎山授籙得道能驅役鬼神慶曆丙

戌賜蘭袍至和甲午賜號冲元大師治平甲辰自知卒日沐浴衣冠不疾而化

三公不知何許人亦未詳其姓兄弟三人得導引脩煉之方又善八門遁法嘗將鄉人禦賊草木皆兵賊

遂敗後結茅節惠里山中人覓之輒黃霧四塞不知其處里人名其山曰相山

福寧州

宋

鄭提刑庖人

鄭提刑庖人者鄭南之庖人也南登第後赴京師携
 庖人往至鎮江遇故舊數人設饌飲之數客皆稱善
 願與同飲食南許之庖人不可曰僕能事主他不願
 也強之不可啗之利不從南怒遣之歸請曰遣歸甚
 善但恐鄉人不解得遣之故願乞一家書以行許之
 抵家啟所寄書乃即當日發也家人驚訝庖人亦失
 所在南聞歎詫且自負平生遇仙嘗食天庖珍品必
 享上壽後果年九十七而終

元

周興能

周興能學道福寧水西觀後返怡雲堂學煉丹久之
 道成元統中別諸徒侶躡香爐上升

閩書卷之一百三十九

宦寺志

福州府

閩縣

五代

林延遇

林延遇閩王鏐之宦者也鏐初娶漢女使延遇置邸番禺掌國信漢主問以閩事延遇不對退謂人曰去閩語聞去越語越處人宮禁可如是乎及鏐為李傲所殺延遇聞變求歸不許素服向國哭三日

泉州府

同安縣

皇朝

張敏

張敏字輔德邑涪州人正統己巳沙寇起敏季父益彬集里人保障鄉里有與張世仇者誣益彬入奏之朝命逮其長者戍軍其幼丁率閹割之敏與其兄慶俱在閹割中送詣京師稍長得選入內庭敏雖幼言動舉止迥異常兒凡有謀爲出人意料

憲宗在春宮

英宗擇內臣爲近侍敏與焉敏

於衆中恭慎無過遇事婉諫微言

憲宗嗣位

敏旦夕在左右夜具衣冠寢至子夜輒起以待有所見聞未嘗外洩凡外廷事一切不干預用是忠謹之名溢於宮禁嘗奉命操練騰驤四衛官軍兼理十九房馬政監督五軍大營未幾賜璽書總督十二團營敏持嚴而能推心體下偏裨士卒莫不懷畏

憲宗前後賞賜若書籍圖畫蟒衣玉器金鞍之類不可勝數又於常廩外歲給米三十石特除其家戍軍籍五處召工爲狼喜神用玉璽識歲月敏兄第三人同入禁掖俱見寵任兄本以御馬太監守備南京慶以司設太監鎮守浙江而諸子暉鴻臚寺卿苗太常寺卿一門緋綠輝映八閩以來未有也先是

憲宗益春秋高未子其時萬貴妃寵專後宮莫繇子也

上一日行遇紀淑妃淑妃有身矣慮萬貴

妃妬不敢以聞第託曰病瘧遂得發居安樂堂既子

且溺之敏聞之曰今萬歲未子即不遽上聞

何至棄為密令養之時時獻餅飴於紀淑妃哺餵

皇子而當是時具廢后在西宮亦保持惟謹

是為孝宗皇帝至成化十一年

皇帝生安樂堂六歲矣憲宗尚未知敏時時

密結萬貴妃太監段英乘間言之顧未有會一日敏

在前木上傍為上櫛下上照鑑歎曰

冉冉矣而未子敏伏地曰成罪萬歲有子也

上叱曰安得有敏伏地叩頭言狀

喜曰出示我孝宗胎髮未剪也召至前髮披

地走入子前上懷牽上衣遊戲捋

上髻前憲宗顧示曰我子也遂出示羣臣羣臣

大喜於是上徙居紀淑妃永壽宮而

孝宗得立皇太子成化乙巳歲敏被疾

上累遣太醫院官診視竟不起計聞悼惜賜銀幣為

殯殮具遣司設御馬二監治喪事復賜寶鈔二萬貫

祭二壇戶部給齋糧麻布工部造墳特賜冠帽牙牌

玉帶殉葬帝欲孝宗即位追賜敏璽書官其家人
 而苗累官南京通政使列於大九卿矣其諸子亦至
 錦衣衛指揮同知管衛事而暉亦以慶蔭官光祿寺
 少卿食三品俸賜敏坐地通州三百畝守卒二十人
 其後有錦衣千戶張鵬張臻百戶張宏恩澤之盛大
 璫所火而苗子定登進士或敏之歿也萬貴妃恨之
 吞金而亡

延平府

南平縣

皇朝

蕭敬

蕭敬南平人正統初以長隨侍殿時入初令英宗勞
 賚近臣金錫填集敬執簿筭無差英宗察敬
 心計潛倚任之一日閱射命敬敬三發三中陞太監
 僉書監事奉使荆襄所過以清約聞憲宗朝
 用內官監督倉會計明允宿蠹搜剔殆盡孝
 宗朝入掌司禮公慎未嘗涉私燕閒賜問時有規諫
 孝宗大漸與閣臣劉健等同承顧命
 武宗即位嬖劉瑾等八人時時內廷娛戲敬諫曰梓
 宮在殯鐘鼓之聲日外聞外謂天子何
 武宗不然也時外廷知上有所辟狎顧不

知八人姓名他日劉健特進講敬書八人名使小豎持投之曰公胡不諫健講畢上內監所投書

上怒問主名健無以對八人者曰必蕭敬也因共譖之然卒不行楊一清為相敬時以

中政事有失一清求敬附奏故時抗語侵敬敬不為動世宗即位年八十餘尚侍左右進止無所

踰越年九十一卒敬遍觀典籍能詩好草書歷事六朝謙勤儉約如一日正德中見諸近侍田園第宅半

京師輒歎曰豈吾輩福哉有侄孫二人韶歆俱進何子曰唐書宦官楊思勗羅州石城人田令孜蜀人

也而宋陳石堂普皆以為福州人七閩轉海即洙泗僅有令孜與思勗令人不忍讀史書不勝林壑溪山

辱此石堂詠閩中詩也按唐時諸道進私白閩中為盛坐是閩多闌杜宣猷來為福建觀察使每寒食遣

吏分祭其先壟時謂宣猷為勅賜墓戶然則思勗令孜大抵然矣私白者闌兒也

贊曰閩在海濱而有宦闌林侍霸國戒口如鉗蕭事五朝壽永巖嶮志除宵小施石與鎌謀用不遂

恪守勤謙銀同有張掖庭曠曠劬勞保聖爰啓龍潛跡彼北土貂鏑炎炎孰與斯人善勞孔兼

周書

卷之二十一 宦寺

五

陳第

問所

寬政戊午

Faint vertical text columns, likely bleed-through from the reverse side of the page.

